

摘藻堂四庫全書薈要

史部

欽定四庫全書薈要

史部

御批通鑑綱目卷六

詳校官編修臣汪鏞

欽定四庫全書薈要卷七千三百十二

史部

御批資治通鑑綱目卷六

起庚申漢宣帝神爵元年
凡四十一年
盡庚子漢成帝陽朔四年

東漢神爵元年春正月帝如甘泉郊泰畤三月如河東祠

后生遣諫大夫王褒求金馬碧雞之神質實
后土廟注見武帝元

年
鼎四

上頗修武帝故事謹齋祀之禮以方士言增置神祠
聞益州有金馬碧雞之神遣褒持節求之初上聞褒
有俊才召見使為聖主得賢臣頌其辭曰夫賢者國
家之器用也所任賢則超舍省而功施普器用利則

用力少而就効衆故工人之用鈍器也勞筋苦骨終日矻矻及至巧冶鑄干將使離婁督繩公輸削墨雖崇臺五層延袤百丈而不溷者工用相得也庸人之御驚馬亦傷吻敝策而不進及王良執韉韓哀附之周流八極萬里一息人馬相得也服絺綌之涼者不苦盛暑之鬱燠襲貂狐之煖者不憂至寒之悽愴何則有其具者易其備賢人君子亦聖王所以易海內也故君人者勤於求賢而逸於得人臣亦然昔賢者之未遭遇也圖事揆策則君不用其謀陳見愴誠則上不然其信進仕不得施效斥逐又非其愆及其遇明君也運籌合上意諫諍即見聽進退得闕其忠任職得行其術故世必有聖知之君而後有賢明之臣故虎嘯而風烈龍興而致雲螭蟀蒺秋吟蟬蝓出以陰明明在朝穆穆布列聚精會神相得益彰故聖主必待賢臣而宏功業俊士必竢明主以顯其德上下俱欲驩然交欣千載一合論說無疑翼乎如鴻毛

遇順風沛乎如巨魚縱大壑化溢四表橫被無窮休
徵自至壽考無疆何必偃仰屈伸若彭祖响噓呼吸
如喬松眇然絕俗離世我上頗好神僊故褒對及之
後京兆尹張敞亦勸上斥遠方士游心帝王之術由
是悉罷尚

集覽

神爵元年神爵神爵大如鵲爵色有五采

金馬碧雞之神顏師古曰金形如馬碧形似雞其神
祠在益州金馬坊杜甫詩時出碧雞坊西郊向草堂
干將注見唐玄宗天寶六載離婁古之明目者公輸
子名班魯之巧人也王良執靶靶轡也王良即郵無
恤又曰郵良春秋晉之善御者注見陳宣帝大建五
年王良之用轡韓哀附興文選注韓哀亦古之善御
者附以輔其車輿未詳根據尚當考之八極淮南子
曰八絃之外有八極東北曰工山之極東曰東極南
山東南曰皮母之極南曰南極之山西南曰編駒之
極西曰西極之山西北曰不周之極北曰北極之山

絺綌葛布也精曰絺粗曰綌貂狐貂鼠屬而大黃黑色出于零國以皮為裘故曰貂裘狐妖獸記玉藻篇君衣狐白裘謂集腋之白毛為裘美而難得者太史公曰千金之裘非一狐之腋蟋蟀秋吟喻賢人待明君而仕也詩傳曰蟋蟀似蝗而小一名促織九月在堂故曰蟋蟀秋吟蟋蟀出以陰蛸通作蟋詩傳曰蟋蟀似蛄蛸爾雅翼云蟋蟀出有時故曰出以陰休徵美行之驗也書洪範曰休徵肅時雨若又時暘若哲時燠若謀時寒若聖時風若彭祖姓篋名鏗堯舜時人至殷商之時已七百餘歲王以為大夫稱疾不與政喬松注見質實益州注見後王建昭帝元平元年質實興三年王褒蜀人

書法

帝遣諫大夫何病帝也雖病帝也亦病褒也帝遣之則於褒乎何病以方士言增置神祠

帝之感也而諫大夫何職焉不能諫則亦已矣而又為之持節求之以是為不職故病之也然則趙

使蘭相如非事則削其官此則曷為以諫大夫書
書諫大夫所以見遣者行者之胥失也自帝立此
祠至建始二年而一罷永始三年而後
復並成帝世主之卓然不惑者鮮矣

發明

祠祀神僊武帝之過舉也孝宣中興胡為踵
而行之然郊泰時祠后土猶有可諉者至遣

諫大夫而求金馬碧雞之神則求
非所求失尤甚矣故顯書以譏之

諫大夫王吉謝病歸

上頗脩飾宮室車服外戚許史王氏貴寵諫大夫王
吉上疏曰陛下惟思世務將興太平詔書每下民欣
然若更生臣伏思之可謂至恩未可謂本務也欲治
之主不世出公卿幸得遭遇其時言聽諫從然未有
建萬世之長策舉明主於三代之隆也其務在於期
會簿書斷獄聽訟而已此非太平之基也臣聞宣德

流化必自近始朝廷不備難以言治左右不正難以
化遠民者弱而不可勝愚而不可欺也聖主獨行於
深宮得則天下稱誦之失則天下咸言之故宜謹選
左右審擇所使左右所以正身所使所以宣德此其
本也安上治民莫善於禮故王者未制禮之時引先
王禮宜於今者而用之願陛下述舊禮明王制毆一
世之民躋之仁壽之域則俗何以不若成康壽何以
不若高宗竊見世俗聘妻送女無節貧人不及故不
舉子又漢家列侯尚公主諸侯則國人承翁主使男
事女夫屈於婦逆陰陽之位故多女亂古者衣服車
馬貴賤有章今上下僭差人人自制是以貪財誅利
不畏死亡舜湯不用三公九卿之世而舉臯陶伊尹
今使俗吏得任子弟率多驕驚不通古今無益於民
宜明選求賢除任子之令外家及故人可厚以財不
宜居位去角抵減樂府省尚方明示天下以儉古者
工不造彫琢商不通侈靡非工商獨賢政教使之然

也上以其言為迂

集覽

期會簿書期會猶言程限簿

成康史記周紀成康之際俗有士君子之行天下安

寧刑措四十餘年不用壽何以不若高宗通鑑外紀

武丁殷之賢王也號為高宗在位五十有九年而崩

注不具壽年俗吏得任子弟任保也以父兄保任為

官也不能自拔於正誤俗吏得任子弟今按保任之

流俗故云俗吏一統志云王吉

之也以父兄弟為官質實琅琊臯虞人

書法

以病免實也謝病歸託也書諫大夫謝病歸

諫大夫三夏侯勝王褒王吉一非所使

發明

謝病固有之矣然以諫大夫而去國則人主

神已失其職此書諫大夫謝
病歸則其為中興之累多矣

先零羌楊玉叛夏四月遣後將軍趙充國將兵擊之

義渠安國至羌中召先零諸豪尤桀黠者斬之縱兵
擊斬千餘級於是羌侯楊玉等怨怒背畔攻城邑殺
長吏安國失亡車重兵器甚衆引還以聞趙充國年
七十餘上老之使丙吉問誰可將者對曰無踰於老
臣者矣上問度當用幾人充國曰百聞不如一見兵
難踰度臣願馳至金城圖上方畧羌戎小夷逆天背
畔滅亡不久願陛下充國將之以擊西羌**集覽**車重
上笑曰諾大發兵遣充國將之以擊西羌**集覽**車重
車也所以裝載者踰度**質實**先零西羌種名注見元
踰與遙同度計料也康四年金城郡名注見
武帝元狩二年

六月有星孛于東方。秋七月充國引兵擊叛羌叛羌多降詔復遣將軍辛武賢等將兵擊之尋詔罷兵畱充國屯田湟中

六月趙充國至金城湏兵滿萬騎欲度河恐為虜所遮夜遣三校銜枚先度營陳畢乃盡度虜數百騎來出入軍傍充國曰吾士馬倦不可馳逐而此皆驍騎又恐其為誘兵也擊虜以殄滅為期小利不足貪令軍勿擊遣騎候四望陜中無虜乃引兵進召諸校謂曰吾知羌虜不能為兵矣使虜發數千人守杜四望陜中兵豈得入哉充國常以遠斥候為務行必為戰備止必堅營壁尤能持重愛士卒先計而後戰西至部都尉府日饗軍士士皆欲為用虜數挑戰充國堅守初罕开豪靡富兒使弟雕庫來告都尉曰先零欲

反後數日果反都尉即留雕庫為質充國以為無罪
遣歸告種豪大兵誅有罪者明白自別毋取并滅能
相捕斬除罪賜錢有差充國欲以威信招降罕开及
刼畧者解散虜謀微其疲劇乃擊之時內郡兵屯邊
者合六萬人矣酒泉太守辛武賢奏言以七月上旬
齎三十日糧分兵出擊罕开奪其畜產虜其妻子冬
復擊之虜必震壞天子下其書充國以為一馬自負
三十日食為米二斛四斗麥八斛又有衣裝兵器難
以追逐虜必商軍進退稍引去逐水草入山林隨而
深入虜即據前險守後阨以絕糧道必有傷危之憂
非至計也先零首為畔逆他種刼畧故臣愚策欲捐
罕开閭昧之過先行先零之誅以震動之宜悔過反
善因赦其罪選擇良吏知其俗者拊循和輯此全師
保勝安邊之策天子下其書議者咸以為先零兵盛
而負罕开之助不先破罕开則先零未可圖也上乃
拜許延壽彊弩將軍武賢破羌將軍嘉納其策以書

敕讓充國曰今轉輸並起百姓煩擾將軍不早共水草之利爭其畜食至冬虜藏匿山中依險阻將軍士寒手足輒瘡寧有利哉今詔武賢等以七月擊罕羌將軍其引兵並進充國上書曰陛下前幸賜書欲不誅罕以解其謀臣故遣开豪雕庫宣天子至德罕开之屬皆聞知明詔今先零為寇罕羌未有犯乃釋有罪誅無辜起壹難就兩害誠非陛下本計也臣聞兵法攻不足者守有餘又曰善戰者致人不致於人今罕羌欲為寇宜飭兵馬練戰士以須其至以逸待勞取勝之道也今恐二郡兵少不足以守而發之行攻釋致虜之術而從為虜所致之道臣愚以為不便先零欲叛故與罕开解仇常欲先赴罕开之急以堅其約今虜馬肥食足擊之恐不能傷適使先零得施德於罕羌堅其約合其黨迫脅諸小種虜兵寢多誅之用力數倍臣恐國家憂慮由十年數不二三歲而已先誅先零則罕开之屬不煩兵而服不服涉正月擊

趙充國書竭忠害卒大臣國軍勝人

之得計之理又其時也以今進兵誠不見其利七月
璽書報從充國計充國乃引兵至先零在所虜久屯
聚懈弛望見大軍棄車重欲度湟水道阨充國徐
行驅之或曰逐利行速充國曰此窮寇不可迫也緩
之則走不顧急之則還致死虜溺死者數百降斬五
百餘人虜馬牛羊十萬餘頭車四千餘輛兵至罕地
令軍毋燔聚落及芻牧田中罕羌聞之喜曰漢果不
擊我矣豪靡忘使人來言願得還復故地充國以聞
未報靡忘來自歸充國賜飲食遣還諭種人護軍以
下皆爭之曰此反虜不可擅遣充國曰諸君但欲便
文自營非為公家忠計也語未卒璽書報以贖論後
罕竟不煩兵而下上詔武賢等以十二月與充國合
擊先零時羌降者萬餘人矣充國度其必壞欲罷騎
兵屯田以待其敝作奏未上會得進兵璽書其子卬
使客諫曰誠令兵出破軍殺將以傾國家將軍守之
可也即利與病又何足爭一旦不合上意遣繡衣來

四所上諸
斷機宜矢
惻不恤利
歟萬全古
之悉心謀
有出其右
祇以將略

責將軍將軍之身不能自保何國家之安克國歎曰
是何言之不忠也本用吾言羌虜得至是邪往者舉
可先行羌者吾舉辛武賢丞相御史復白遣義渠安
國竟沮敗羌金城湟中穀斛八錢吾謂耿中丞糴三
百萬斛穀羌人不敢動矣耿中丞請糴百萬斛乃得
四十萬斛耳義渠再使且費其半失此二策羌人致
敢為逆失之毫釐差以千里是既然矣今兵久不決
四夷卒有動搖相因而起雖有知者不能善其後羌
獨足憂邪吾固以死守之明主可為忠言遂上屯田
奏曰臣所將吏士馬牛食所用糧穀芡藁調度甚廣
難久不解繇役不息恐生他變為明主憂誠非素定
廟勝之冊且羌易以計破難用兵碎也故臣愚心以
為擊之不便計度臨羌東至浩疊羌虜故田及公田
民所未墾可二千頃以上其間郵亭多壞敗者臣前
部士入山伐材木在水次臣願罷騎兵留步兵分屯
要害處永解漕下繕鄉亭浚溝渠治湟陁以西道橋

令可至鮮水左右田事出賦人二十畝至四月草生
發郡騎及屬國胡騎各千就草為田者遊兵以充入
金城郡益積畜省大費今大司農所轉穀至者足支
萬人一歲食謹上田處及器用簿上報曰即如將軍
之計虜當何時伏誅兵當何時得決熟計其便復奏
充國上狀曰臣聞帝王之兵以全取勝是以貴謀而
賤戰百戰而百勝非兵之善者故先為不可勝以待
敵之可勝蠻夷習俗雖殊於禮義之國然其欲避害
就利愛親戚畏死亡一也今虜亡其美地薦草愁於
寄託遠遯骨肉心離人有畔志而明主班師罷兵萬
人留田順天時因地利以待可勝之虜雖未即伏辜
兵決可期月而望羌虜瓦解前後降者萬七百餘人
及受言去者凡七十輩此坐支解羌虜之具也臣謹
條不出兵留田便宜十二事步兵九校吏士萬人留
屯以為武備因田致穀威德並行一也又因排折羌
虜令不得歸肥饒之地貧破其眾以成羌虜相畔之

漸二也居民得並田作不失農業三也軍馬一月之
食度支田士一歲罷騎兵以省大費四也至春省甲
士卒循河湟漕穀至臨羌以示羌虜揚威武傳世折
衝之具五也以閒暇時下先所伐材繕治郵亭充入
金城六也兵出乘危徼幸不出令反畔之虜竄於風
寒之地離霜露疾疫瘥墮之患坐得必勝之道七也
亡經阻遠追死傷之害八也內不損威武之重外不
令虜得乘間之勢九也又亡驚動河南罕升使生他
變之憂十也治湟陁中道橋令可至鮮水以制西域
伸威千里從枕席上過師十一也大費既省繇役豫
息以戒不虞十二也留屯田得十二便出兵失十二
利唯明詔采擇上復賜報曰兵決可期月而望者謂
今冬邪謂何時也將軍獨不計虜聞兵頗罷且丁壯
相聚攻擾田者殺畧人民將何以止之將軍熟計復
奏充國奏曰臣聞兵以計為本故多算勝少算先零
羌精兵今餘不過七八千人失地遠客分散饑凍畔

還者不絕。臣愚以為虜破壞可。日月冀遠在來春。故曰兵決可期。月而望竊見北邊自燉煌至遼東萬一。千五百餘里。乘塞列地。有吏卒數千人。虜數以大衆攻之。而不能害。今騎兵雖罷。虜見屯田之士精兵萬人。從今盡三月。虜馬羸瘦。必不敢捐其妻子於他種中。遠涉河山而來為寇。亦不敢將其累重還歸。故地是臣之愚計。所以度虜且必瓦解。其處不戰而自破之策也。至於虜小寇盜時殺人民。其原未可卒禁。臣聞戰不必勝。不荀接。必攻不必取。不荀勞。衆誠令兵出。雖不能滅。先零但能令虜絕。不為小寇。則出兵可也。即今同是而釋坐勝之道。從乘危之勢。往終不見利。空內自罷敝。貶重而自損。非所以示蠻夷也。又大兵一出。還不可復留。湟中亦未可空。如是。繇役復更發也。臣愚以為不便。臣竊自惟念奉詔出塞。引軍遠擊窮天子之精兵。散車甲於山野。雖亡尺寸之功。媿得避嫌之便。而亡後咎。餘責此。人臣不忠之利。非明。

主社稷之福也充國奏每上輒下公卿議臣初是充國計者什三中什五最後什八有詔詰前言不便者皆頓首服魏相曰臣愚不習兵事利害後將軍數畫軍策其言常是臣任其計可必用也上於是報充國嘉納之亦以武賢延壽數言當擊於是兩從其計詔兩將軍與中郎將卬出擊降斬各數千人而充國所降復得五千餘人詔罷

集覽

軍之一部為一校守杜四

望陘中守防杜絕也四望地名也山峭而夾水曰陘罕開豪罕俗作罕開音牽皆西羌種漢武滅之置罕開縣屬天水郡罕豪名靡忘升豪名雕庫徵其疲劇乃擊之武帝元朔六年徵極而取之即此擊家戰音軍手足凍裂也瘡株玉反中寒瘡竅也至先零在所先零之俗行國隨畜牧移徙故曰至其在所便文自營顏師古曰苟取文墨之便而自為營衛也即利與病即則也利病猶言利害繡衣百官表御史長史侍

御史有繡衣直指出討奸猾治大獄注衣以繡者尊寵之也耿中丞司農中丞耿壽昌失之毫釐差以千里記經解引易曰君子慎始差若毫釐繆以千里東方朔傳化民對引易曰正其本萬事理失之毫釐差以千里案今易中無此語顏師古曰易象之別記也以千齋間覽曰歐陽永叔作傳易圖序云予讀經解陳遯引易曰差若毫釐繆以千里之句恠今易無此文疑易非完書且經解所引及見王充論衡注乃易緯文永叔於易經求之誤矣則又與顏說小異廟勝之冊後書耿弇傳淮陰審料成勢則知高祖之廟勝矣注謀兵於廟而勝敵也公羊傳襄十九年大夫以君命出進退在大夫也注引老子云將軍有廟勝之策者謂未行時先謀於廟授之斧鉞令有勝功授之斧鉞之後明即自專之義裁其可否故是其宜也臨羌地理志金城有臨羌縣浩疊金城有浩疊縣孟康曰浩疊音合門水出西塞外東至允吾入湟水顏師古

曰浩疊音誥門浩水名疊者水流峽山間兩岸深若
門焉今俗呼閤門河蓋疾言訛傳耳冰鮮漕下鮮舉
蟹反判也漕下以水運材木而下也鮮水鮮音僊山海經
云北鮮之山鮮水出焉北流注徐吾案徐吾水在朔方

郡北田事出賦人二十畊田事出謂至春入出營田
也賦者班與之也各千就草各發一千騎就草畜牧
並田作並猶言俱也離霜露離與雁同遭也左傳襄
二十八年跋涉山川蒙犯霜露注蒙犯嚴霜宿露之
氣也瘝墮因寒瘝而墮落其指也伸威千里從枕席
上過師孔子家語王言鮮明王之道其守也則必折
衝千里之外其征也則必還師社席之上兵革不動
而威用利不施而親萬民懷其惠此之謂折衝千里
之外誅其君而改其政弔其民而不奪其財則民悅
矣此之謂還師社席之上貶重貶損威重也始得媿
與偷通苟且也中郎曾實一統志云辛武賢臨人淫
將印印名也充國子曾實水注見宣帝元康四年浩

鹽本河名在臨洮府金縣南二十里一名閭門河源出馬寒山峽中流經縣東入黃河漢義渠安國將騎備羌築城于此因名浩亶城鮮水在陝西行都指揮使司城西北四十里源出擺通川經祁連山西出合黎山北一名合黎水流入亦集乃界金城郡

注

見武帝元朔二年湟中注見元康四年

書法

初書屯田始此終綱目書屯田十一是年元帝

四年後主建興四年十二年延熙四年梁辛酉年陳庚辰年唐高祖武德六年書營田一唐憲宗元和七年書罷營田一五代壬子年安帝永初元年曹魏甲申年書罷營田一五代壬子年鄭吉田車師不書屯不

與焉

以張敞為京兆尹

初敞為山陽太守時膠東盜賊起敞自請治之拜膠
東相明設購賞傳相斬捕國中遂平王太后數出游
獵敞諫曰禮君母出門則乘輜軒下堂則從傳母今
以田獵縱欲為名於以上聞亦未宜也太后乃不復
出京兆自趙廣漢後更黃霸等數人不稱職長安
多盜上以問敞敞以為可禁乃以為京兆尹敞求得
偷盜酋長數人召見責問令致諸偷以自贖一日得
數百人窮治行法由是市無偷盜敞賞罰分明而時
時越法有所縱舍本治春秋以經術自輔不純用誅
罰以此能自全朝廷有大議引古今處便宜公卿皆
服會西羌兵起敞以羌虜雖破民無餘積請令有罪
者入穀邊郡贖罪蕭望之等議以為民困陰陽之氣
有仁義欲利之心在教化之所助竟不能去民欲利
之心而能令其不勝好義也桀不能去民好義之心
而能令其不勝好利也竟桀之分在於義利而已道
民不可不慎也今令民以粟贖罪是貧富異刑而法

不一也。貧人父兄因執為子弟者，將不顧死亡以赴財利，以求救之一人，得生十人，以喪政教，一傾恐不可復。古者藏賦於民，不足則取，有餘則與。有邊役民失作業，雖戶賦口歛，以贍其困乏，百姓莫以為非故金布令甲曰：邊郡數被兵離饑寒，天絕天年父子相失，令天下共給其費，固為軍旅卒暴之事也。天漢四年，嘗使死罪入錢減罪一等。豪彊請奪至為盜賊，更不能禁，故曰不便。時亦以轉輸畧足，相給遂不施。敞議**集覽**：金布令甲，顏師古曰：金布者，令之篇名。其上有府庫金錢布帛事，令有先後，故有令甲令乙令丙。甲者，前帝第一**質實**：山陽郡名。注見成帝河令也。離饑寒，離與罹同。平二年，膠東國名。注見景帝三年。

辛酉二年春二月，鳳皇甘露降，集京師赦。

書法

此於是書鳳皇四而書赦者三矣書甘露始
綱目書甘露降二是年光武中元元年

○夏五月趙充國振旅而還秋羌斬楊玉以降置金城

屬國以處之

趙充國奏言羌本可五萬人除斬降溺饑死定計遺
脫不過四千人羌靡忘等自詭必得請罷屯兵奏可
充國振旅而還所善浩星賜迎說曰衆人皆以破羌
彊弩出擊虜以破壞然有識者以為虜執窮困兵雖
不出必自服矣將軍即見宜歸功於二將軍如此計
未失也充國曰吾年老矣爵位已極豈嫌伐一時事
以欺明主哉兵勢國之大事當為後法老臣不以餘
命壹為陛下明言兵之利害卒死誰當復言之者卒
以其意對上然其計罷遣辛武賢歸酒泉充國復為
後將軍秋羌若零等共斬楊玉首帥四千餘人降初

置金城屬國

集覽

定計遺脫計度其所遺得脫之人
靡忘等自詭必得靡忘羌豪名詭

以處降羌

責也自以為憂責言此四千人必可得歸漢振旅杜

預曰振整旅衆也出曰治兵卑者在前尊者在後入

曰振旅尊者在前卑者在後穀梁傳出曰治兵習戰

也入曰振旅習戰也釋云治兵振旅皆云習戰者周

禮仲秋教治兵仲春教振旅出入幼賤雖殊同是教

戰之法也又一說注見晉愍帝建興四年所善浩星

賜浩星複姓也名賜與充國相厚善破羌破羌將軍

辛武賢彊弩彊弩將軍許延壽即見句絕謂朝見時

不以餘命言不惜餘殘之命

卒死是一句卒讀曰猝忽也

書法

書軍還多矣未有書振旅而還者書振旅而
還特筆也其特筆何嘉全師也先零之叛罕

羌助之武賢請先擊罕羌充國則請降以威信先
零既走充國徐行驅之降者既多然後請罷騎兵

屯田以待其敝凡三上奏卒得所請及是還師不
亡一鏃而靡忘竟斬楊玉以降真所謂萬全之師
矣特書振旅而還所以深嘉
充國也終綱目一書而已矣

發明

前書罷兵屯田此書振旅而還則見西羌之
平非窮追極討之功明矣充國之為將如此
非老成厚重
者能之乎

秋九月司隸校尉蓋寬饒自剄闕下

初寬饒為衛司馬故事衛司馬見衛尉拜謁常為衛
官繇使市買寬饒案舊令揖官屬不受私使躬行士
卒廬舍視其起居飲食病者拊循臨問甚有恩及歲
代數千人請復留一年以報寬饒厚德上嘉之擢司
隸校尉寬饒剛直公清刺舉無所避然深刻好刺譏
數犯上意時方用刑法任中書官寬饒奏封事曰方

今聖道浸微儒術不行以刑餘為周召以法律為詩
書又引易傳言五帝官天下三王家天下家以傳子
孫官以傳賢聖書奏上以為寬饒怨謗下其書執金
吾議以為寬饒旨意欲求禪大逆不道諫大夫鄭昌
上書訟寬饒曰臣聞山有猛獸藜藿為之不採國有
忠臣姦邪為之不起寬饒居不求安食不求飽進有
憂國之心退有死節之義上無許史之屬下無金張
之託直道而行多仇少與上書陳事有司劾以大辟
臣幸得從大夫之後官以諫為名不敢不言上竟下
寬饒吏寬饒引佩刀自到北闕下眾庶莫不憐之
集覽蓋寬饒蓋姓也廣韻注古盍反字書作郵案舊
令揖句絕案據舊時律令止揖而不拜刺舉刺
七賜反訊也舉劾也禮秋官司刺注刺殺也三訊罪
定則殺之任中書官本作任中書官故下文云以
刑餘為周召以刑餘為周召官刀鋸之餘也今以
宦官居周公召公之位故云記曲禮刑人不在君側

易傳易周易也傳解說經義者孔穎達曰凡書非正
經者謂之傳執金吾注見武帝太初元年又一說注
見光武建武十二年許史許廣漢史高皆有外戚之
恩金張金日磾張安世皆託在近狎多仇怨
與黨質實蓋寬饒魏郡人
也鄭昌泰山剛人

書法

於是上下寬饒吏寬饒自到其不書下之吏
何甚寬饒也曷為甚之寬饒謂刑餘為周召

可也而語及官天下則非所宜言矣若是而自殺
焉罪不專在上也故趙韓楊皆書殺而寬饒書自
劉綱目之
權衡審矣

匈奴虛問權渠單于死握衍朐鞬單于立日逐王先賢
揮來降以鄭吉為西域都護

匈奴虛閭權渠單于始立黠顯渠閼氏閼氏即與右
賢王屠耆堂私通單于死閼氏立右賢王為握行朐
鞬單于虛閭權渠子稽侯犍既不得立亡歸妻父烏
禪幕日逐王先賢揮素與握行朐鞬有隙即率其眾
降漢使人至渠黎與鄭吉相聞吉發諸國五萬人迎
之將詣京師吉威震西域遂并護車師以西北道故
號都護都護之置自吉始於是中西域而立幕府治
烏壘城去陽關二千七百餘里督察烏孫康居等三
十六國動靜有變以聞

集覽

屠耆堂右賢王之名也屠耆注見隋煬帝大業

漢之號令班西域矣

集覽

屠耆堂右賢王之名也屠耆注見隋煬帝大業

三年握行朐鞬單于之號即名屠耆堂者朐音劬鞬
丁奚反稽侯犍後為呼韓邪單于也稽古奚反犍音

冊烏禪幕西域小國禪音蟬日逐王名史炤曰即如休
屠王渾邪王之稱先賢揮日逐王名揮音纏中西域

而立幕府正義曰中竹仲反**正誤**今按中西域而立幕府
幕府注見秦王政三年莫府

中國而授孟子室朱子註當質實鳥孫西域國名注
國之中也又中天下而立見武帝元狩元年

烏孫昆彌翁歸靡死狂王泥靡立

初翁歸靡願以漢外孫元貴靡為嗣復尚主詔下其
議蕭望之以為烏孫絕域變故難保不可許天子重
絕故業許之使常惠送公主未出塞翁歸靡死其兄
子泥靡自立惠上書願留少主燉煌自至烏孫責讓
不立元貴靡還迎少主事下公卿望之復以為烏孫
持兩端無堅約令少主以元貴靡不立而還信無負
於四夷少主不止繇集覽重絕故業重難也業事也
役將興天子從之已然曰業故業謂先嘗以
公主嫁烏孫
今難絕之也

壬戌三年春三月丞相高平侯魏相卒質實

高平縣名注見光武帝建

武元年
安定郡

謚曰
憲

夏四月以丙吉為丞相

吉上寬大好禮讓掾吏有罪輒與長休告務掩過揚善終無所案曰以公府而有案吏之名吾竊陋焉後人因以為故事嘗出逢羣鬪死傷不問逢牛喘使問逐牛行幾里矣或譏吉失問吉曰民鬪京兆所當禁宰相不親小事非所當問也方春未可熱恐牛近行用暑故喘此時氣失節三公調陰陽職當憂時人以為知**集覽**長休告休沐注見昭帝始元四年賜告注大體**集覽**見武帝建元六年方春未可熱本傳作方春少陽用事未可大熱用暑用因也

秋七月以蕭望之為御史大夫。○八月益小吏俸

詔曰吏不廉平則治道衰今小吏皆勤事而俸祿薄欲無侵漁百姓難矣其益吏百石已下俸十五集

覽

浸漁言括克其民若漁獵然

書法

勸廉也帝於是可謂知本矣故書美之終綱目書增俸四是年成帝綏和二年光武建武

二十六年丁亥年晉而益小吏者二是年成帝綏和二年

以韓延壽為左馮翊

始延壽為潁川太守承趙廣漢之後俗多怨讐延壽教以禮讓召故老與議定嫁娶喪祭儀品畧依古禮不得過法百姓遵用其教賣偶車馬下里偽物者棄之市道黃霸代之因其迹而大治延壽所至必聘其

賢士以禮待用廣謀議納諫諍表孝弟有行脩治學
宮春秋鄉射陳鐘鼓管絃盛升降揖讓及都試講武
設斧鉞旌旗習射御之事治城郭收賦租先明布告
其日以期會為大事吏民敬畏趨鄉之又置正五長
相率以孝弟不得舍姦人閭里阡陌有非常吏輒聞
知姦人莫敢入界其始若煩後吏無追捕之苦民無
箠楚之憂皆便安之接待下吏恩施甚厚而約誓明
或欺負之者延壽痛自劾責吏聞者自傷悔或自刺
死為東郡太守三歲令行禁止斷獄大減由是入為
馮翊行縣至高陵民有昆弟訟田延壽大傷之曰幸
得備位為郡表率不能宣明教化至令民有骨肉爭
訟使賢長吏嗇夫三老孝弟受其恥咎在馮翊當先
退是日移病入卧傳舍閉閤思過一縣莫知所為今
丞以下亦皆自繫待罪於是訟者宗族傳相責讓此
兩兄弟深自悔自髡肉袒謝願以田相移終死不敢
爭郡中欽然傳相敕厲恩信周徧二十四縣莫復以

辭訟自言者推其至
集覽 賣偶車馬下里爲物偶車
誠吏民不忍欺給馬者喪祭所用之儀也下

里偽物者下賤鄉里假偽之物也賣此等者皆自以
無用而棄之市道也案史記漢武帝本紀以木耦馬

代駒索隱曰耦一作偶音寓孟康曰寓寄龍形於木
姚察云寓假也以言假木龍馬一駟非寄寓龍馬形

於木也春秋鄉射漢官儀曰春三月秋九月習鄉射
禮皆使太學生詳見禮記射義都試顏師古曰總閱

試習武備也期會顏師古曰猶言程限移病注見昭
帝元鳳元年移病卧傳相傳音轉下同欽然欽許及

反歛**質實** 東郡注見光武建武八年高陵縣名注見
氣也 周赧王四十九年肉袒注見平帝本始二

年

癸亥
四年春二月赦

亦以鳳皇甘露
降集京師也

夏四月賜潁川太守黃霸爵關內侯

霸在郡八年政事愈治是時鳳皇神爵數集郡國潁川尤多於是賜爵關內侯黃金百斤秩中二千石而潁川孝弟有行義民三老力田皆以差賜爵及帛後數月徵霸為太子太傅

集覽

秩中二千石注

見地節三年

質實

潁川郡名注見靈帝中平元年

冬十月鳳凰集杜陵質實

杜陵注見本始三年

○河南太守嚴延

年棄市

延年陰鷙酷烈冬月傳屬縣囚會論府上流血數里河南號曰屠伯延年素輕黃霸見其以鳳皇被褒賞

心內不服郡界有蝗府丞義出行蝗延年曰此蝗豈
鳳皇食邪義恐見中傷乃上書言延年罪因自殺以
明不欺事下按驗得其怨望誹謗數事坐不道棄市
初延年母從東海來適見報囚大驚便止都亭不肯
入府因數責延年幸得備郡守專治千里不聞仁義
教化有以全安愚民顧乘刑罰多刑殺人欲以立威
豈為民父母意哉天道神明人不可獨殺我不意當
老見壯子被刑戮也行矣去汝東歸掃除墓地耳遂
去歸後歲餘果敗東

集覽

凡陰鷙酷烈鷙鷙脂利反擊也
海莫不賢智其母

荀子曰其使民也酷烈注刑罰嚴酷也會論府上論
音倫議法也會集諸囚於府而論殺屠伯言殺人如
屠兒之殺獸也伯猶言長府丞義義府丞之名也失
其姓行蝗行下孟反巡行捕蝗也中傷中竹仲反陰
中害之也報囚論囚曰報說文質實東海郡名注見
云當罪人也顧乘顧反乘因也

甲子五鳳元年秋匈奴亂五單于爭立

匈奴握行胸鞬單于暴虐好殺伐國中不附烏禪幕
及左地貴人共立稽侯犍為呼韓邪單于發兵西擊
握行胸鞬握行胸鞬敗走自殺其民衆盡降呼韓邪
握行胸鞬弟右賢王立日逐王薄胥堂為屠耆單于
發兵襲呼韓邪呼韓邪敗走於是呼揭王自立為呼
揭單于右奧鞬王自立為車犁單于烏藉都尉亦自
立為烏藉單于凡五單于屠耆擊車犁烏藉皆敗走
之烏藉呼揭皆去單于號共併力尊輔車犁屠耆西
擊車犁又敗走之漢議者多曰匈奴為害日久可因
其壞亂舉兵滅之蕭望之曰春秋晉士句帥師侵齊
聞齊侯卒引師而還君子大其不伐喪以其恩足以
服孝子誼足以動諸侯前單于慕化鄉善請求和親
未終奉約不幸為賊臣所殺今而伐之是乘亂而幸
灾也不以義動兵恐勞而無功宜遣使弔問輔其微

弱救其灾患四夷聞之咸貴中國之仁義如遂蒙
恩復其位必稱臣服從此德之盛也上從其議

集

覽

呼韓邪邪音耶又時遮反右與韃奧音郁韃居言
反晉士句帥師侵齊士句春秋晉卿范文子士燮

之子也是為宣子句古
害反事在襄十九年

冬十二月朔日食○殺左馮翊韓延壽

韓延壽代蕭望之為左馮翊望之聞延壽在東郡時
放散官錢千餘萬使御史案之延壽即部吏案校望
之在馮翊時廩犧官錢放散百餘萬望之自奏職在
總領天下聞事不敢不問而為延壽所拘持上由是
不直延壽各令窮竟所考望之卒無事實而望之遣
御史案東郡者得其試騎士日車服侍衛奢僭逾制
等數事延壽竟坐狡猾不道棄市吏民數千人送至
渭城持車轂爭奏酒炙延壽使掾吏分謝送者百姓

莫不流涕集覽廩犧內史屬官有廩犧令丞尉廩主藏穀犧主養牲所以供祭祀

乙丑二年秋八月左遷蕭望之為太子太傅

丞相丙吉年老上重之望之嘗奏言三公非其人則三光為之不明今日月少光咎在臣等上以其意輕吉會司直奏望之遇丞相禮節倨慢又使吏私買集賣有所附益請逮捕繫治詔左遷為太子太傅

覽

有所附益漢書音義曰謂背正法而厚於私家也

書法

左傳之辭三左遷某為某官無罪之辭也某人以罪左遷有罪之辭也某人左遷薄乎云

爾之辭也

匈奴呼韓邪單于擊殺屠耆單于呼屠吾斯自立為郅

支單于

呼韓邪襲屠耆屯兵屠耆自將擊之兵敗自殺車犁亦東降呼韓邪呼韓邪復都單于庭然衆裁數萬其兄左賢王呼屠吾斯亦自立為郅支骨都侯單于

免光祿勳平通侯楊惲為庶人

惲廉潔無私為中郎將故事令郎出錢乃得出沐名曰山郎惲罷之休沐皆以法令從事有過輒奏免薦其有行能者郎官化之莫不自厲由是擢為諸吏光祿勳惲輕財好義殿中稱其公平然伐其行能又性刻害好發人陰伏由是多怨與太僕戴長樂相失長樂上書告惲以主上為戲語尤悖逆事下廷尉廷尉定國奏惲怨望為詆惡言**集覽**山郎郎官名注見武大逆不道詔免為庶人

者財用之所
出故名云耳
質實
楊惲華陰人敞之子

書法

免例有三凡書某免者可免者也著所坐者有罪者也書免某官下某獄免徵下獄免皆

無罪者也

丙寅
三年春正月丞相博陽侯丙吉卒

吉病上臨問以誰可以自代者吉薦杜延年于定國陳萬年薨謚曰定後三人居位皆稱職上稱吉為知人班固曰經謂君為元首臣為股肱明其一體相待而成也近觀漢相高祖開基蕭曹為冠孝宣中興丙魏有聲是時黜陟有序眾職修理公卿多稱其位海內興於禮讓覽其行事豈虛乎哉
質實
陳萬

年沛郡相人

發明

魏丙之卒皆書爵與景武以來他相不同者所以表其賢也

二月以黃霸為丞相

霸材長於治民及為丞相功名損於治郡時京兆尹舍鶡雀飛集丞相府霸以為神雀議欲以聞張敞奏曰竊見丞相請與中二千石博士雜問郡國上計長史守丞為民興利除害成大化條其對有耕者讓畔男女異路道不拾遺及孝子貞婦者為一輩先上殿不為條教者在後叩頭謝丞相雖口不言而心欲其為之也長史守丞對時臣敞舍有鶡雀飛止丞相府吏多知鶡雀者問之皆陽不知丞相圖議上奏曰臣問上計長史守丞以興化條皇天報下神雀後知從臣敞舍來乃止臣敞非敢毀丞相也誠恐群臣莫白而長史守丞畏丞相指歸舍法令各為私教務相增加澆淳散樸並行偽貌有名亡實傾搖懈怠甚者為

妖假令京師先行讓畔異路道不可拾遺其實亡益廉
貪貞淫之行而以偽先天下固未可也即諸侯先行
之偽聲軼於京師非細事也漢家承敝通變造起律
令所以勸善禁姦條貫詳備不可復加宜令貴臣明
飭長史守丞歸告二千石舉三老孝弟力田孝廉廉
更務得其人郡事皆以法令檢式毋得擅為條教敢
挾詐偽以奸名譽者必先受戮以正明好惡天子嘉
納召上計吏使侍中臨飭如敝指意霸甚慙時史高
以外屬貴重霸薦高可太尉天子使尚書召問霸太
尉官罷久矣夫宣明教化通達幽隱使獄無冤刑邑
無盜賊君之職也將相之官朕之任焉高帷幄近臣
朕所自親君何越職而舉之霸免冠謝罪數日乃決
自是後不敢復有所請然自

集覽

鵲雀漢書注顏師古曰鵲音芬本作

鵲雀大而色青出羌中今俗謂鵲鷄者是耕者讓畔
五帝本紀舜耕歷山歷山之入皆讓畔正義曰韓子

歷云農相侵掠舜往耕期年耕者皆讓畔也為一革
先上殿有以上文四事對者別自作一等先升殿也
指歸句絕猶言旨趣也澆淳散樸澆堅堯反薄也酒
不雜為淳以水澆之則味漓薄也樸匹角反木質也
割之則散先天下先去聲凡出於人挽先為正誤
之曰先下先行同軼於京師軼與溢通滿也
相指歸舍法令今按指字句絕歸字屬下句謂長史
守丞歸其郡國也澆淳散樸今按此但言風俗淳厚
者澆薄質朴者解散解音蟹偽
聲軼於京師今按軼超過也

三月減天下口錢考異

據昭帝元平元年書減口
賦此條口字下漏賦字

書法

自高帝始立口賦
帝減口賦錢什三元
平元六年於
是又減民賦

益輕矣六十

本或作二十

○置西河北地屬國以處匈奴降者質實

西河郡名注見周威烈王

二十三年北地郡名注見秦王政三年

丁卯四年春匈奴呼韓邪單于稱臣遣弟入侍減戍卒什

二〇糴三輔近郡穀供京師初置常平倉

自元康以來比年豐稔穀石五錢大司農中丞耿壽昌奏言歲豐穀賤農人少利故事歲漕關東穀四百萬斛用卒六萬人宜糴三輔弘農河東上黨太原郡穀供京師可省漕卒過半又白令邊郡皆築倉以糴賤增其賈而糴以利農穀貴時減賈而糴名曰常平倉民便之詔賜壽昌爵關內侯

書法

志恤民也書常平倉始此終綱目書置常平三是年齊丙子年魏隋仁壽四年書修一唐

玄宗開元二年書罷二元帝初元五年唐代宗
大歷五年罷歸宰相書義倉者一陳乙巳年隋

夏四月朔日食○殺故平通侯楊惲

惲既失爵位家居治產業以財自娛其友人孫會宗
與惲書為言大臣廢退當闔門惶懼為可憐之意不
當治產業通賓客有稱譽惲宰相子有材能少顯朝
廷一朝以晻昧語言見廢內懷不服報書曰竊自思
念過已大矣行已虧矣當為農夫以沒世矣田家作
苦歲時伏臘烹羊烹魚斗酒自勞酒後耳熱仰天拊
缶而呼烏烏其詩曰田彼南山蕪穢不治種一頃豆
落而為箕人生行樂耳須富貴何時是日也拂衣而
喜奮襃低印頓足起舞誠淫荒無度不知其不可也
又惲兄子譚謂惲曰侯罪薄又有功且復用惲曰有
功何益縣官不足為盡力譚曰縣官實然蓋司隸韓
馮翊皆盡力吏也俱坐事誅或上書告惲驕奢不悔

伏者謂陰氣將起迫於殘陽而未得升故為藏伏因名伏日索隱曰周時無伏秦德公始作伏祠臘注見

平帝元始五年酒後耳熱言酒力酣暢也魏文帝與
吳質書曰昔日遊處每至觴酌流行絲竹並奏酒酣
耳熱仰而賦詩忽然不自知其樂又杜甫詩酒酣耳
熱忘頭白要皆本惲之語呼烏烏李斯上書云擊甕
叩缶彈箏搏髀而歌呼烏烏快耳目者真秦之聲也是
關中舊有此曲田彼南山山高而在陽人君之象蕪穢
不治喻朝廷荒亂也治平聲種一項豆喻百官也豆者
真實之物當在倉困落而為其其且莖零落在野喻已見
放棄也楚昭王奉金幣聘孔子孔子乃歌曰大道隱
兮禮為其賢人竄兮將待時蓋司隸司隸校尉蓋寬
饒韓馮翊之愬蕭愬告也馮翊太守韓延壽案
校蕭望之在馮翊時放散廩犧官錢事在元年

書法

惲免為庶人矣書故平通侯
何廢不以罪也而殺之甚矣

發明

趙蓋韓楊之死人心不服論者固已詳矣今
以綱目觀之廣漢延壽書殺寬饒書自剄皆

不去其官猶曰當任職之時云爾至於楊惲已免為庶人久矣然且書曰故平通侯則免不以罪不予其免為可知免猶不予而況於殺之乎此宣帝之所以雜霸

匈奴郅支單于攻呼韓邪單于走之遂都單于庭

書法

夷也書所都何郅支強也及韓邪朝漢而郅支西徙去單于庭至七千里則事漢之効矣

是故都單于庭書徙居堅昆書所以勸即華也

戊辰甘露元年春免京兆尹張敞官復以為冀州刺史

楊惲之誅公卿奏敞惲之黨友不宜處位上惜敞材獨寢其奏不下敞使掾絮舜按事舜私歸其家曰五日京兆耳安能復按事敞聞即收舜繫獄驗治竟致其死事會立春行冤獄使者出舜家載尸自言使者

奏敝賊殺不辜上欲令敝得自便即先下前奏免為庶人敝詣闕上印綬便從闕下亡命數月京師吏民

解弛枹鼓數起而冀州部中有大賊天子使使者即

家召敝妻子皆泣敝獨笑曰吾身亡命為民郡吏當

就捕今使者來此天子欲用我也裝隨使者集覽掾

詣公車上引見拜冀州刺史到部盜賊屏息

舜絮舜姓名賊捕掾也姓苑注絮尼據反五日京兆

耳言不久當去京兆尹事會立春行冤獄使者出會

適遇也行去聲案行也言此事適遇使者出使者部

刺史也律立春後不行刑故遣使者案行冤獄枹鼓

數起枹音搏擊鼓杖也擊鼓所以警衆數頻也數起

者言偷盜之多也裝隨使者詣公車本作即裝謂即

便裝嚴治行李也公**正誤**掾絮舜今按漢書註絮女

車令注見文帝三年居切又音如竟致其死事

會立春行冤獄使者出今按事字當屬上句漢書張

敞傳云云竟致其死事舜當出死敞使主簿告舜曰

五日京兆竟何如乃棄舜市會立春行冤獄使質實

者出云云與上文竟致其死事一句隔越不屬

冀州注見秦二世二年信都國

書法

復以為之例有四有改過之辭有貳過之辭有不能令之辭有因仍之辭書曰免張敞官

復以為冀州刺史改過之辭也詳文帝十四年

以韋玄成為淮陽中尉

皇太子柔仁好儒見上所多用文法吏以刑繩下嘗侍燕從容言陛下持刑太深宜用儒生帝作色曰漢家自有制度本以霸王道雜之奈何純任德教用周政乎且俗儒不達時宜好是古非今使人眩於名實不知所守何足委任乃歎曰亂我家者太子也上次子淮陽憲王欽好法律聰達有材王母張婕妤尤幸

上由是疏太子而愛憲王數嗟嘆憲王曰真我子也
常欲立之然因太子起於微細上少依許氏及即位
而許后以弑死故弗忍也久之上拜韋玄成為淮陽
中尉以玄成嘗讓爵於兄欲以感喻憲王由是太子
遂安司馬公曰王霸無異道皆本仁祖義任賢使能
賞善罰惡禁暴誅亂顧名位有尊卑功業有巨細耳
非若白黑甘苦之相反也漢之所以不能復三代之
治者由人主之不為非先王之道不可復行於後世
也夫儒有君子有小人彼俗儒者誠不足與為治也
獨不可求真儒而用之乎孝宣謂太子儒而不立闇
於治體必亂我家則可矣乃曰王道不可行儒者不
可用豈不過矣哉殆非所以訓示子孫垂法將來者
也胡氏曰帝王之德莫不本於格物致知以誠其意
正心修身以齊其家若夫正朝廷正百官以正萬民
則自是而推之耳內外本末精粗先後非有殊致也
若夫五霸則異是矣其果有格物致知之學乎其意

果誠心果正身果修而家果齊乎其所以行之者果
與唐虞夏后商周之教化類乎以是考之王道霸術
正猶美玉砥礪之不可同年而語也司馬氏譏宣帝
言王道不可行儒者不可用是矣而謂王霸無異道
不亦集覽上少依許氏少去聲微時娶許廣漢女因
誤乎集覽依倚廣漢兄弟砥礪讀與武夫同謂石之
者次玉

匈奴兩單于皆遣子入侍

匈奴左伊秩訾王為呼韓邪計勸令稱臣入朝事漢
求助諸大臣皆曰不可匈奴之俗本上氣力而下服
役以馬上戰鬥為國故有威名於百蠻且戰死壯士
所有今兄弟爭國不在弟則在兄奈何亂先古之制
臣事於漢卑辱先單于為諸國所笑左伊秩訾曰不
然強弱有時今漢方盛匈奴日削雖屈強於此未嘗

一日安也今事漢則安存不事則危亡計何以過此
呼韓邪從其計引衆南近塞遣子入侍郅支亦遣子
侍入

夏四月黃龍見○太上皇太宗廟火帝素服五日○烏
孫國亂遣使分立兩昆彌

烏孫狂王暴惡失衆肥王翁歸靡胡婦子烏就屠襲
殺狂王自立漢欲討之烏就屠恐願得小號以自處
帝遣謁者立元貴靡為大昆彌烏就屠為小昆彌皆
賜印綬大昆彌戶六萬餘小昆彌戶四萬餘然衆心
皆附於小昆彌

巳巳
二年春正月赦減民算三十

書法

自漢初始為算賦人百二十年其後又有口錢口錢嘗再減矣昭帝元平元年五鳳三年而

算賦仍舊帝於是減其四分之一至成帝而又減算四十民力益寬矣建始二年

○珠崖郡反夏四月遣兵擊之質寶

珠崖郡名注見武帝元鼎六年○

營平侯趙充國卒

先是充國以老乞骸骨賜安車駟馬黃金罷就第朝廷每有四夷大議常與參兵謀問籌策焉薨謚曰壯

匈奴款塞請朝

匈奴呼韓邪單于款五原塞願奉國珍朝三年正月詔有司議其儀丞相御史曰聖王之制先京師而後諸夏先諸夏而後夷狄單于非正朔所加故稱敵國宜待在下蕭望之以為單于非正朔所加故稱敵國宜待

以不臣之禮位在諸侯王上外夷稽首稱藩中國讓而不臣此則羈縻之誼謙亨之福也書曰戎狄荒服言其來服荒忽亡常如使匈奴後嗣卒有鳥竄鼠伏闕於朝享不為畔臣萬世之長策也天子采之詔曰匈奴單于稱北蕃朝正朔朕之不德不能弘覆其以容禮待之令單于位在諸侯王上贊謁稱臣而不名荀悅曰春秋之義王者無外欲一于天下也戎狄道里遼遠人迹介絕故正朔不及禮教不加非尊之也詩云自彼氐羌莫敢不來王故要荒之君必奉王貢若不供職則有辭讓號令加焉非敵國之謂也望之之議僭度失序以

集覽

塞門來服從也如淳曰款叩也叩

也請除去守塞之人自保其不為寇害也五原塞注見武帝太初三年願奉國珍奉父勇反獻也國珍其國中所產珍寶朝三年正月會明年正旦朝賀羈縻之誼應劭漢官儀曰羈縻云者言不限以政教號令而

聽其自制也要荒之君禹貢蔡氏傳曰要荒皆夷狄也要服去王畿已遠謂之要者取要約之義特羈縻之而已荒服去王畿益遠以其荒野故謂之荒服孫奕示兒編曰陸氏音要一遙反非是

庚午三年春正月匈奴呼韓邪單于來朝還居幕南塞下

上幸甘泉郊泰畤匈奴呼韓邪單于來朝賜以冠帶衣裳金璽盤綬玉具劍佩弓矢棨戟安車鞍馬金錢衣被錦繡穀帛絮禮畢使使者道單于先行宿長平上還登長平坂詔單于毋謁其羣臣皆得列觀及諸蠻夷君長數萬咸迎於渭橋下夾道陳上登渭橋咸稱萬歲單于就邸長安置酒建章宮饗賜之二月遣歸國發邊郡士馬送出塞又轉邊穀米糒前後三萬四千斛給之單于請居光祿塞下有急保受降城自是烏孫以西至安息諸集覽盤綬亦諸侯王之制晉國近匈奴者咸尊漢矣

官品令曰三公綠綬綬玉具劍佩七制作玉具鐔衛
佩刀解云標首鐔衛盡用玉為之鐔音淫劍口旁橫
出者也衛劍鼻也佩刀所佩之刀也蔡戟戟有衣曰
蔡漢制假蔡戟以代斧鉞崔豹古今注曰蔡戟前驅
之器也以木為之以赤黑繒為衣又戟注見周顯王
三十一年長平坂前書音義曰在涇水上夾道陳夾
道之兩旁陳列光祿塞初武帝使光祿徐自為出五
原塞數百里遠者千里築城障列亭至盧昫為塞因

名光質實

一統志云長平坂在西安府涇陽縣西南
五十里漢武上甘泉經此有蟲盤而覆地

色如生肝頭目口鼻皆具問於東方朔對曰此必秦
故獄處始皇拘殺無辜憤氣所生按地圖果然問何
以去之曰積憂者得酒而忘以酒灑之遂消光祿塞
即五原城也在延安府神木縣漢書光祿徐自為出
五原塞數百里築城列障至盧昫山即舊銀城廢縣
北光祿塞是也受降城注見唐中宗景龍二年安息

西域國名注見
武帝元鼎二年

書法

匈奴自秦始皇三十二年始見於綱目漢文

臣今年始書來朝於是百六十五年矣信哉無百年之運也自是終西漢之世書單于來朝四百年

黃龍元年元帝竟寧
元年哀帝元壽二年

畫功臣於麒麟閣

上以四裔賓服思股肱之美乃圖畫其人於麒麟閣
署其官爵姓名惟霍光不名曰大司馬大將軍博陸
侯姓霍氏其次張安世韓增趙充國魏相丙吉杜延
年劉德梁丘賀蕭望之蘇武凡十一人皆有功德知
名當質實一統志云麒麟閣在西安府城內漢未央
世宮之左乃蕭何所造以藏秘書宣帝圖畫

功臣於此

書法

何以書錄功臣也終綱目書盡功臣三
明帝永平三年唐太宗貞觀十七年鴻都文

學靈帝光和六年十八學士唐
高祖武德四年則不復書之矣

鳳凰集新蔡質實

一統志云新蔡古呂國之邑名春秋
時蔡平侯徙都此故曰新蔡漢置新

蔡縣屬汝南郡晉屬汝陰郡劉宋屬新蔡郡南齊置北
新蔡郡東魏置蔡州北齊為廣寧郡隋初為舒州及廣
寧縣尋改汝北縣大業初州廢縣復舊名唐屬蔡州宋
因之金屬息州元省入息州國朝初復置縣改屬汝寧
府

胡氏曰宣帝之時天地變異刑殺過差一歲之間子
弟殺父兄妻殺夫至二百餘人不得稱為太平決矣

鳳皇何為數來哉豈宣帝自喜其政臣下有窺見其
微意者故爭言祥瑞以侈耀之而帝亦以此自欺也
與以張敞所論鶚
雀觀之亦可見矣

書法

於是凡六書矣綱目書鳳皇七而昭帝一書
宣帝六書自是終綱目無聞焉帝之世果盛

哉矣

發明

宣帝世鳳皇來集至是凡六書矣考之漢史
則不止是而又播之詔令不一而足然綱目

皆削而不錄至於地震山崩祖廟壞宗廟火日食
星孛雨雹殺人之異則備書于冊所以抑祥瑞戒
恐懼之意嚴矣居
人上者不可不知

丞相霸卒以于定國為丞相

○詔諸儒講五經異同於石渠閣

詔諸儒論五經異同蕭望之等平奏上親稱
制臨決立梁丘易夏侯尚書穀梁春秋博士
閣蕭何所造三輔黃圖曰閣在未央殿北以藏秘書
其下礮石為渠以導水若今之御溝因以名閣論五
經異同施讐論易周堪孔霸論書薛廣德論詩戴聖
論禮公羊則嚴彭祖穀梁則尹更始異同者謂與經
旨合否也平奏平謂無所可否上親稱制臨決七制
鮮稱制即制曰是已自臨視其論議而斷決可否梁
丘易梁丘複姓名賀字長翁琅邪諸人從京房受易
帝聞京房易明求其門人始得賀夏侯尚書夏侯複
姓大夏侯名勝字長公東平人其先夏侯都尉從濟南
張生受尚書以傳族子始昌始昌傳勝小夏侯名建字
長卿勝之從父子也勝以書授建建又事歐陽高由
是尚書有大小夏侯之學穀梁春秋穀梁複姓名倅一

名赤字元始魯人何休曰孔子至聖却觀無窮知秦
將必燔書故以春秋之說口授子夏子夏授穀梁穀
梁為經作傳以授孫卿卿授申公申公授江翁其後
榮廣大善穀梁以傳蔡千秋宣帝好穀梁乃擢千秋
為郎博士秦**正誤**也平奏今按平猶評也博雅訂平
官掌通古今**實**一統志云石渠閣在西安府城中漢未央宮之北
蕭何所造以藏入闕時所得秦圖書宣帝亦藏秘
書於此其下礮石為渠以導
水若今之御溝因以名閣

書法

書嘉統一也書講五經始此終綱目
書講五經二
是年章帝建初四年

皇孫驚生考異

當去
皇字

皇太子所幸司馬良娣病死太子忽忽不樂帝令皇
后擇後宮家人子得元城王政君送太子宮政君故

繡衣御史賀之孫女也是歲生成帝於甲館畫堂
為世適皇孫帝愛之自名曰驚字太孫常置左右

覽

家人子外戚傳曰昭儀位視丞相爵比諸侯王降
至上家人子中家人子視有秩斗食云元城縣名

注見莽始建國三年甲館畫堂館通作觀並去聲甲
觀觀名畫堂堂名顏師古曰甲者甲乙丙丁之次畫

堂宮殿中
彩畫之堂

書法

皇孫生不書書驚生何驚王政君所生也王
氏之篡漢之中否自驚生始矣故謹書之終

綱目書皇孫
生一而已

烏孫公主來歸

公主上書言年老思土願歸葬漢地天子
聞而迎之待之如公主之制後二歲卒

書法

綱目公主和親書歸三是年唐肅宗乾元二年寧國武宗會昌三年太和

辛未四年冬匈奴兩單于俱遣使朝獻

漢待呼韓

邪使有加

壬申黃龍元年春匈奴呼韓邪單于來朝郅支徙居堅昆

郅支聞漢助呼韓邪自度力不能定匈奴欲與烏孫并力烏孫殺其使遣騎迎之郅支覺其謀擊破烏孫烏揭丁令堅昆而并之留集覽烏揭西域國名揭丘都堅昆去單于庭七千里集覽列反丁令注見武帝

天漢元年丁靈堅昆西域國名在伊吾西焉耆北人皆赤髮綠睛唐初號結骨唐末改號黠戛斯

三月有星孛于王良閣道入紫微宮集覽

王良閣道天官書注正義

曰王良五星在奎北河中天子奉御宮也閣道六星在王良北飛閣之道天子欲遊別宮之道占一星不見則輦路不通動搖則○帝寢疾以史高為大司馬車騎將官掖之內兵起

軍蕭望之為前將軍光祿勳周堪為光祿大夫受遺詔輔政領尚書事冬十二月帝崩

班固曰孝宣之治信賞必罰綜核名實政事文學法理之士咸精其能至于技巧工匠器械自元成間鮮能及之亦足以知吏稱其職民安其業也遭值匈奴乖亂推亡固存信威北夷單于慕義稽首稱藩功光祖宗業垂後嗣可謂中集覽綜核七制解相參錯為興佯德殷宗周宣矣綜不虛拘為核推亡固存書仲虺文也有亡道者則推而滅之有存道者則輔而固之今宣帝朝呼韓邪而固存之走郅支使遠

通焉故此贊引仲虺誥語云信威北夷信讀曰伸一
說謂恩信及威聲並著于北夷侔德殷宗周宣殷高
宗周宣王皆中興之主今
宣帝之德可與侔齊也
正誤
信威北夷今按
質實

周堪文
安人

書法

武帝之末始書受遺詔於是再見自是歷東
漢之世無書者至昭烈之末而後書賀善贊

曰宣帝號尚嚴而篇中書寬恤之政四詔有大父
母父母喪勿繇詔子匿父母妻匿夫孫匿大父母
皆勿治令郡國歲上繫囚掠笞瘐死者以課殿最
詔年八十以上非誣告人勿坐謂非惻隱之發乎
惜夫信鳳皇惑碧雞而趙楊韓之死不
免書殺此綱目所以責賢者之備也

太子奭即位尊皇太后曰太皇太后皇后曰皇太后考

異按元平元年已書宣帝尊上官后日太皇太后此年再書疑羨

書法

太皇太后何昭后上官氏也據下書太皇太后上官氏崩宣帝即位嘗尊為太皇太后矣

元帝視之則曾祖母也於是復稱皇太后而書尊曰太皇太后者豈太皇太后之上無以稱之故云

歟爾

癸酉 孝元皇帝初元元年春正月葬杜陵質實

一統志云杜陵在西

安府城東南一十五里樂游原有廟許后陵亦在焉

○赦○三月立健仔王氏為

皇后考異

按唐高宗永徽五年書立太宗才人武氏為昭儀以著高宗應聚之醜而唐詔謂事同政

君據甘露三年書皇孫驚生分注帝令皇后擇後宮家人子得元城王政君送太子官至是生成帝則此上當

先書以宣帝宮人王氏為使仔必傳錄闕漏

○以公田及苑振業貧民賦貸

種食

書法

書嘉恤民也終綱目書以苑賦民三是年章帝建初元年晉穆帝永和元年燕以園假民

一初元

二年

○夏六月大疫詔損膳減樂府員省苑馬以振困乏

書法

書救災也書大疫始此綱目書疫十有五而書大者十一秦戊午年宣帝元康二年並疫

是年桓帝延熹四年靈帝建寧四年熹平二年光和二年五年中平二年後主建興十二年晉甲午年乙未年並大疫惠帝元康六年七年並疫懷帝永嘉六年大疫書救災之政二宣帝元康二年是

年而
已

○秋九月關東大水饑○以貢禹為諫大夫罷宮館希
幸者減穀食馬肉食獸

上素聞王吉貢禹皆明經潔行遣使者徵之吉道病
卒禹至拜為諫大夫問以政事禹言古者人君節儉
什一而稅亡他賦役故家給人足高祖文景宮女不
過十餘廐馬百餘匹故時齊三服官輸物不過十笥
今工作數千歲費鉅萬廐馬食粟將萬匹武帝多取
好女至數千人填後宮及棄天下多藏金錢財物入
以後宮女置於園陵使天下承化取女過度內多怨
女外多曠夫及眾庶葬埋皆虛地上以實地下其過
自上生惟陛下深察古道從其儉者天生聖人蓋為
萬民非獨使自娛樂而已也天子善其言下詔令諸

宮館希御幸者勿繕治太僕減穀食馬水衡省肉食
 獸司馬公曰忠臣之事君也責其所難則其易者不
 勞而正補其所短則其長者不勸而遂孝元優游不
 斷讒佞用權當時之大患也而禹不以言恭謹節
 儉孝元之素志也而禹孜孜言之何哉使禹之
 智不足以知烏得為賢知而不言為罪愈大矣**集覽**
 齊三服官齊國舊有三服官春獻冠幘綬為首服純
 素為冬服輕綃為夏服取女取與娶同水衡張晏曰
 水衡都尉主都水及上林苑顏師古曰衡平也主平
 其稅入食貨志初大司農管鹽鐵官不故多置水衡
 欲以主鹽鐵及楊可告緡上林苑**質實**貢禹琅
 財物眾乃令水衡主上林苑

發明

民元帝繼統之初他務未遑首以公田振業貧
 賦貸種食未幾又復振困乏罷宮館減獸

馬凡見於綱目所書者班班可紀雖文景初政未
 有是也然治道不進反為基禍之主何哉優柔不

斷威官用權大本既已不立縱有一二小善無益
於事書之不沒其實所以示人君不可不知所本

置戊巳校尉屯田車師故地集覽

戊巳校尉顏師古曰
甲乙丙丁庚辛壬癸

皆有正位惟戊巳寄治耳今所置校尉亦無常居故取
戊巳為名有戊校尉有巳校尉一說戊巳居中鎮覆四
方今所置校尉亦處
西域之中撫諸國也

甲戌二年春正月帝如甘泉郊泰畤○下蕭望之周堪及

宗正劉更生獄皆免為庶人質實

劉更生即劉向
宗正令德之子

史高以外屬領尚書事蕭望之周堪為之副望之堪
皆以師傳舊恩天子任之數言治亂陳王事選白宗
室明經有行諫大夫更生給事中與侍中金敞並拾
遺左右四人同心謀議勸導上以古制多所欲匡正

上甚鄉納之史高充位而已由此與望之有隙中書
令弘恭僕射石顯自宣帝時久典樞機帝即位多疾
以顯中人無外黨遂委以政事無大小因顯白決貴
幸傾朝百僚皆敬事顯顯為人巧慧習事能深得人
主微指內深賊持說辯以中傷人忤恨睚眦輒被以
危法與高為表裏論議常持故事不從望之等望之
等患苦許史放縱又疾恭顯擅權建白以為中書政
本國家樞機宜以通明公正處之武帝游宴後庭故
用宦者非古制也宜罷中書宦官應古不近刑人之
義上初即位謙讓重改作議久不定出更生為宗正
望之堪數薦名儒以備諫官鄭朋陰欲附望之上疏
言高為奸利及許史子弟罪過章視周堪堪白令朋
待詔金馬門望之始見朋接待以意後知其傾邪絕
不與通朋怨恨更求入許史推所言事曰皆堪更生
教我待詔華龍行汙穢欲入堪等堪等不納亦與朋
相結恭顯令二人告望之等欲疏退許史狀候望之

出休日之事下弘恭問狀望之對曰外戚在位多
奢淫欲以匡正國家非為邪也恭顯奏望之堪更生
朋黨相稱舉數譖訴大臣毀離親戚欲以專擅權勢
為臣不忠誣上不道請謁者召致廷尉時上初即位
不省召致廷尉為下獄也可其奏後上召堪更生曰
繫獄上大驚曰非與廷尉問邪以責恭顯皆叩頭謝
上曰令出視事恭顯使高言上新即位未以德化聞
於天下而先驗師傳既下獄宜因決免於是赦望之
罪收印綬及堪更**集覽**中人宦官也建白建議而告
生皆免為庶人白於上不近刑人注見昭帝
元平元年章視視與示同以奏章出示
周堪待詔金馬門注見武帝元光五年

發明

元帝至是已不可與有為矣望之堪皆以師
傳舊人受遺輔政未及二載乃與更生俱以

無罪被繫至於不省召致廷尉為下獄豎詰問得
知又復不能正其欺罔之罪乃反黜免堪等其昏

庸若此尚可與之有為哉考之前史及參以分注
止謂堪更生繫獄而不及望之今綱目所書則併
以望之為下獄何哉觀恭顯召致廷尉之奏望之
固已俱在其中至史高宣言亦有先驗師傅下獄
之語既曰師傅則不但堪更生明矣或者又謂望
之他日特以不肯就獄之故而死是前此未嘗逮
繫也殊不知恭顯初奏既已併及固無獨免之理
特始焉謁者召致切意望之是時猶可隱忍至後
來太常急發執金吾車騎馳圍其第故決意自裁
爾况恭顯併奏元帝既可其請正使果不下獄是
亦下獄之人也綱目所書
夫豈過哉故特詳而辯之

隴西地震質實

隴西郡名注見
秦王政三年

敗城郭屋
室壓殺人

罷黃門狗馬以禁園假貧民舉直言極諫之士○夏四月立子驚為皇太子

待詔鄭朋薦太原太守張敞先帝名臣宜傳輔皇太子以上以問蕭望之望之以為敞能吏任治煩亂材輕非師傳之器上欲以質實太原郡名注見齊明為左馮翊會敞病卒

賜蕭望之爵關內侯給事中朝朔望

發明

望之前日以無罪見黜固當引身而退高蹈丘園為明哲保身之計可也賜爵而朝朔望

果何為哉去就不明以及其身綱目雖無貶詞而義則在其中其有愧二疏多矣又果見幾之君子

乎是以他日自殺盡削其官也

關東饑 秋七月地復震

書法

復者何異之也先是書地震多矣未有一歲再震者以是為異也故特書復自是不可勝

書雖

一歲再震者十三是以復書矣終綱目書地震一百

六年延光元年順帝永和二年三年桓帝元嘉二

年靈帝光和元年獻帝初平四年興平元年而一

月再震者二桓帝建和

三年獻帝興平元年

以周堪劉更生為中郎尋繫獄免冬十二月蕭望之

自殺以宦者石顯為中書令考異

據上分注中書令弘恭僕射石顯自宣帝

時久典樞機竊考前漢刑臣與政恭顯為罪之魁此書石顯為中書令而前不書弘恭為中書令亦是闕漏

之為害最
人主不能
於始以為
勿制及寵
爵祿授之
權遂至驕

恣橫肆如弘恭
石顯擅作威福
敢於戕害大臣
而毫無忌憚之
心易曰童牛之
牯殞豕之牙當
防之於未然也

上復徵周堪劉更生欲以為諫大夫恭顯白以為中
郎上器重蕭望之不已欲倚以為相恭顯許史皆側
目更生乃使其外親上變事言地震殆為恭等宜退
恭顯以章蔽善之罰進望之等以通賢者之路恭顯
疑其更生所為白請考奸詐辭服遂逮繫獄免為庶
人會望之子伋亦上書訟望之前事事下有司復奏
望之教子上書失大臣體不敬請逮捕恭顯等知望
之素高節不詘辱建白望之前幸不坐復賜爵邑不
悔過服罪深懷怨望自以託師傳終必不坐非頗屈
望之於牢獄塞其快快心則聖朝無以施恩厚上曰
太傅素剛安肯就吏顯等曰人命至重望之所坐語
言薄罪必無所憂上乃可其奏顯等令謁者召望之
因急發執金吾車騎馳圍其第望之以問門下生朱
雲雲好節士勸望之自裁望之仰天歎曰吾嘗備位
將相年踰六十矣老入牢獄苟求生活不亦鄙乎飲
鴆自殺天子聞之驚拊手曰曩固疑其不就牢獄果

然殺吾賢傳卻食涕泣哀動左右召顯等責問以議
不詳皆免冠謝良久然後已上追念望之不忘每歲
時遣使者祠祭其塚終帝之世是歲恭死遂以顯為
中書令司馬公曰甚矣孝元之易欺而難悟也夫恭
顯之邪說詭計誠有所不能辨也至於望之自殺則
恭顯之欺亦明矣在中智之君孰不感動奮發以底
邪臣之罰孝元則不然雖涕泣不食以傷望之而終
不能誅恭顯纔得其免冠謝而已如此則姦臣安所
懲乎是使恭顯得肆其
邪心而無復忌憚者也

書法

自殺未有不書故者不書故無故也無故者
必有其故於是有任其咎者矣然則望之何

以不書爵病漢也曷為病之望之顧命大臣既免
為庶人矣賜爵固不足書也弘恭為中書令則不
書書石顯何病漢也曷為病之望之自殺帝涕泣
不食矣不惟不能罪顯又以為中書令是誠何心

哉綱目聯書之
所以深病帝也

發明望之自殺不言其故元帝之繆固無可言者
若夫以宦者而令中書則其禍博矣揭而書

之所以著漢
業衰微之本

乙亥三年春罷珠厓郡

珠厓儋耳郡在海中洲上吏卒皆中國人多侵陵之
其民亦暴惡自以阻絕數犯吏禁率數年一反殺吏
漢輒發兵擊定之至是諸縣叛連年不定上謀於羣
臣欲大發軍待詔賈捐之曰臣聞堯舜聖之盛禹入
聖域而不優以三聖之德地方不過數千里西被流
沙東漸于海朔南暨聲教言欲與聲教則治之不欲
與者不彊治也殷周之地東不過江黃西不過氐羌
南不過蠻荆北不過朔方是以頌聲並作人樂其生

越裳氏重九譯而獻此非兵革之所能致也以至于
秦興兵遠攻貪外虛內而天下潰叛孝武皇帝厲兵
馬以動邊塵賦煩役重寇賊並起是皆廓地太遠
伐不休之故也今關東民困流離道路至嫁妻賣子
法不能禁義不能止此社稷之憂也駱越之人父子
同川而浴與禽獸無異本不足郡縣置也霧露氣濕
多毒草蟲蛇水土之害人未見虜戰士自死棄之不
足惜不擊不損威今陛下不忍捐帛之忿欲驅士衆
擠之大海之中快心幽冥之地非所以救饑饉保元
元也且以往者羌軍言之暴師曾未一年兵出不踰
千里費四十餘萬萬大司農錢盡乃以少府禁錢續
之夫一隅為不善費尚如此況於勞師遠攻亡士無
功乎臣愚以為非冠帶之國禹貢所及春秋所治皆
可且無以為願遂棄珠厓專用恤關東為憂上以問
大臣丞相于定國以為前擊珠厓興兵連年校尉十
一人還者二人卒士及轉輸死者萬人費用三萬萬

餘尚未能盡降今關東困乏民難搖動捐之議是詔罷珠厓郡民有慕義欲內屬便處之不欲勿彊捐之誼曾集覽西被流沙東漸于海朔南暨聲教書禹貢

孫也

孔氏傳曰此言五服之外皆與王者聲教

而朝見也漸子廉反朔南北方也蔡氏傳曰漸漬被

覆暨及也地有遠近故言有淺深聲謂風聲教謂教

化林氏曰振舉於此而遠者聞焉故謂之聲軌範於

此而遠者效焉故謂之教鄭玄曰地理志張掖郡居

延縣西北有居延澤古文以為流沙孔穎達曰流沙

當是西境之最遠者也而地志以流沙為張掖居延

澤計當在居延縣西大遠矣志言非也杜佑曰在沙

州西八十里其沙隨風流行故曰流沙沈括曰嘗過

無定河活沙履之百步皆動如行幕上或陷則人馬

車馱以百千數無牙遺者或謂此即流沙也案五代

晉高居誨使于闐記自靈川過黃河行三十里始涉

沙入党項界自此沙行四百餘里登沙嶺渡白亭河

至涼州自涼州西五百里至甘州甘州西始涉磧磧
無水西北五百里至肅州渡金河西百里出天門關
又西百里出玉門關西至瓜州瓜州南十里鳴沙山
冬夏殷殷有聲如雷云禹貢流沙也欲與與讀曰預
下不欲與同江黃史記杞世家注索隱曰江黃二國
並嬴姓也地理志江國在汝南安陽縣黃國在汝南
弋陽縣括地志云秦時黃都在光州定城氏羌注見
光武建武十二年蠻荆周本紀秦伯亡如荆蠻正義
白楚滅越其地屬楚秦滅楚其地屬秦秦諱楚改曰
荆故通號吳越之地為荆及北人書史加云蠻勢之
然也朔方注見武帝元朔二年越裳氏重九譯而獻
越裳南方遠國名在交趾之南周成王時重九譯而
來獻白雉重九譯注見武帝元狩元年駱越注見文
帝元年駱役惛惛詩澤陂篇中心惛惛注惛猶悒
悒也惛烏玄反保元戰國策子元注高誘曰元
元善也姚察云古者謂人云善人也因善為元故云

黎元其言元元者非一人也顧野王云正誤悵悵今元元猶言喁喁也可足愛貌未安其說

憂也悵當如說文訓忿也質實一統志云江春秋時魯仲連曰棄忿悵之節

屬汝南郡晉末省入安昌縣故城在汝寧府息縣西南一十里黃古黃子國名戰國屬楚秦屬九江郡漢屬汝南江夏二郡三國魏省之故城在汝寧府定城廢縣西一十二里賈捐之洛陽人誼之曾孫

夏赦○旱○罷甘泉建章宮衛令就農百官各省費條

奏質實甘泉宮注見文帝三年建章宮注見武帝太初元年○以周堪為光祿勳

張猛為光祿大夫給事中

猛堪弟質實張猛城固人子也騫之孫也

丙子四年春三月帝如河東祠后土質實

祠后土注見武帝元鼎四年

丁丑五年春正月以周子南君為周承休侯集覽

周子南君武帝

封姬嘉為子南君以奉周祀

質實

一統志云承休漢之縣名元帝所置屬河南郡後光武封姬常為承

休公主周祀即此隋改曰承休縣唐初改為梁縣後省之故城在南陽府汝州東

○三月帝如

雍祠五時○夏四月有星孛于參○六月以貢禹為御

史大夫罷鹽鐵官常平倉及博士弟子員數

用禹言詔太官毋日殺所具各減半罷角抵齊三服官北假田官鹽鐵官常平倉博士弟子毋置員民有

通一經者皆復省刑罰七十餘事禹尋卒

匈奴郅支單于殺漢使者西走康居

郅支單于自以道遠又怨漢擁護呼韓邪而不助已困辱漢使者江乃始等遣使求侍子漢議遣衛司馬谷吉送之貢禹匡衡以為郅支鄉化未醇所在絕遠宜令使者送其子至塞而還吉願送至庭許之既至郅支殺之自知負漢又聞呼韓邪益彊恐見襲擊會康居王數為烏孫所困遣使迎郅支欲與合兵取烏孫郅支數怨烏孫遂引兵西衆寒道死餘三千人康居王以女妻郅支甚尊敬之欲倚其威以脅諸國郅支數擊烏孫至赤谷城烏孫西邊空虛不居者五千里

集覽

赤谷城烏孫大昆彌治于此

質

實

康居西域國名注見武帝元朔三年匡衡東海承人

戊寅永光元年春郊泰時

上邳泰時禮畢因留射獵御史大夫薛廣德曰闕東
困極人民流離陛下日撞亡秦之鐘聽鄭衛之樂臣
誠悼之今士卒暴露從官勞倦陛下亟反
宮思與百姓同憂樂天下幸甚上即日還
集覽鄭衛
記樂記子夏對魏文侯曰鄭音好濫淫志衛音趨數
煩志皆淫於色而害於德也注趨數音促速正義曰
鄭衛之音即靡靡之樂昔殷紂使師延作靡靡之樂
武王伐紂師延將樂器投濮水而死後晉國樂師師
涓過焉聞水中作此樂因聽而寫之既還為晉平公
鼓之師曠曰亡國之音也得此必於桑間濮上乎鄭
玄曰濮水之上有地名桑間在濮陽南
質實薛廣德沛
以界乎鄭衛二國之間故名鄭衛之樂
國相人

詔舉質樸敦厚遜讓有行者

仍詔光祿歲以此
科第郎從官

書法

終綱目舉敦朴二是
年順帝陽嘉元年

三月赦○雨雪隕霜殺桑○秋上酎祭宗廟考異

按年
號例

曰正統之君秦漢以下曰帝注云其曰上者當
時臣子之辭今不用此年書上必傳錄之誤

集覽

上
酎

上是掌反獻也耐注
見武帝元鼎五年

上出便門欲御樓船薛廣德當乘輿車免冠頓首曰
宜從橋詔曰大夫冠廣德曰陛下不聽臣臣自刎以
血汙車輪陛下不得入廟矣上不說先驅張猛進曰
臣聞主聖臣直乘船危就橋安聖主不乘危御史大
夫言可聽上曰曉人
不當如是邪遂從橋

大饑○丞相定國御史大夫廣德罷

上始即位連年災害言者歸咎大臣於是上以朝日引見丞相責以職事定國等皇恐上書自劾乞骸骨乃賜安車駟馬黃金罷就第

書法

以災害也於
是始書罷

城門校尉諸葛豐有罪免左遷周堪為河東太守張猛為槐里令

石顯憚堪猛等數譖毀之劉更生懼其傾危上書曰臣聞舜命九官濟濟相讓和之至也衆賢和於朝則萬物和於野故蕭韶九成而鳳皇來儀周文開基崇推讓之風銷分爭之訟武王繼政諸侯和於下天應報於上下至幽厲之際朝廷不和轉相非怨則日月薄食水泉沸騰山谷易處霜降失節由此觀之和氣

致祥乖氣致異祥多者其國安異衆者其國危天地
之常經古今之通義也陛下開三代之業招文學之
士優游寬容使得並進今邪正雜糅忠讒並進章交
公車人滿北軍更相讒譖轉相是非所以熒惑耳目
惑移心意不可勝載分曹為黨往往羣朋將同心以
陷正臣正臣進者治之表也正臣陷者亂之機也乘
治亂之機未知孰任而灾異數見此臣所以寒心者
也初元以來六年矣按春秋六年之中灾異未有稠
如今者也原其所以由讒邪並進也讒邪之所以並
進由上多疑心既已用賢人而行善政如或譖之則
賢人退而善政還夫執狐疑之心者來讒賊之口持
不斷之意者開羣枉之門讒邪進則衆賢退羣枉盛
則正士消治亂榮辱之端在所信任信任既賢在於
堅固而不移今出善令未能踰時而反用賢未能三
旬而退二府奏佞調不當在位歷年而不去出令則
如反汗用賢則如轉石去佞則如拔山如此望陰陽

之調不亦難乎是以羣小窺見間隙巧言醜詆流言
飛文譁於民間昔孔子與顏淵子夏更相稱譽不為
朋黨禹稷與皋陶傳相汲引不為比周何則忠於
國無邪心也今佞邪共謀違善依惡數設危險之言
欲以傾移主上如忽然用之此天地之所以先戒灾
異之所以重至者也今以陛下明知誠深思天地之
心考祥應之福灾異之禍以揆當世之變放遠佞邪
之黨壞散險陂之聚杜閉羣枉之門廣開衆正之路
決斷狐疑分別猶豫使是非炳然可知則百異消滅
而衆祥並至太平之基萬世之利也是歲夏寒日青
顯及許史皆言堪猛用事之咎上內重堪又患衆口
之浸潤無所取信時長安令楊興以材能幸常稱譽
堪上欲以為助乃問興朝臣斷斷不可光祿勳何邪
興傾巧謂上疑堪因順指曰堪非獨不可於朝廷自邪
州里亦不可也臣見衆人前以堪為當誅故言堪不
可誅傷為國養恩也上曰然今宜奈何興曰臣愚以

為可賜爵食邑勿令典事明主不失師傅之恩此最
策之得也上於是疑之城門校尉諸葛豐以剛直著
名上書告堪猛罪上不直豐乃詔御史豐前數稱言
堪猛之美為司隸校尉不順四時專作苛暴朕不忍
下更以為城門校尉不內省諸已而反怨堪猛告按
無證之辭暴揚難驗之罪毀譽恣意不顧前言其免
為庶人豐言堪猛貞信不立朕聞而不治又惜其材
能未有所効其左遷堪為河東太守猛槐里令司馬
公曰豐於堪猛前譽而後毀其志非為朝廷進善而
去姦也欲比周求進而已矣斯亦鄭朋楊興之流烏
在其為剛直哉人君者察美惡辨是非賞以勸善罰
以懲姦所以為治也使豐言得實則豐不當絀若其
誣罔則堪猛何辜焉今兩責而**集覽**章交公車八滿
俱棄之則美惡是非果何在哉**北軍言奏章之**
多其被舉劾者衆也劉向傳注上章於公車有不
如法者以付北軍尉北軍尉以法治之又公車注見文

帝三年北軍注見宣帝地節三年踰時一時三月也
二府丞相府御史府出令則如反汗今出善令未踰
時而反是反汗也易渙汗其大號朱氏附錄曰號令
當散如汗之出千毛百竅中迸散出來這箇物出不
會反醜詆醜惡詆毀也流言謂其言如水之流謗毀
無實飛文無姓名之文不知所從來也汲引薦也
如井中汲水引之而升也險陂陂彼寄反字與諛通
詩卷耳篇序險諛私謂之心注崔云險陂不正也斷
斷不可光祿勳徐廣曰斷魚巾反斷斷爭辨之意劉
向傳注斷斷忿嫉貌光祿勳周堪也謂堪不可用故
言堪本作故臣前書言堪不可誅城門校尉百官表
云掌京師城門屯兵為司隸校尉不順四時言豐前
為司隸校尉時於春夏繫治人也百官表質實一統
云司隸校尉職掌徒隸捕巫蠱督大奸猾質實志云
諸葛豐琅邪人槐里漢初縣名屬京兆尹東漢以後
因之晉為始平郡治所後廢之故城在西安府興平

縣東南一十里即犬丘城也其西城名小槐里

書法

於是豐劾堪猛帝既以是罪豐矣乃復左遷

遷堪猛
病帝也

待詔賈捐之棄市

賈捐之與楊興善捐之數短石顯以故不得官希復
進見興新以材能得幸捐之謂曰使我得見言君蘭
京兆尹可立得興曰君房下筆言語妙天下使君房
為尚書令勝五鹿充宗遠甚捐之曰令我得代充宗
君蘭為京兆尹郡國首尚書百官本天下真大治
士則不隔矣捐之復短顯興曰顯方信用今欲進且
與合意即得入矣即共為薦顯奏稱譽其美又共為
薦興奏以為可試守京兆尹顯聞白之上乃下興捐

之獄令顯治之捐之竟坐罔上不道棄市興髡鉗為城旦司馬公曰君子以正攻邪猶懼不克況捐之以邪攻邪其

集覽

言君蘭為句君蘭楊興字捐之謂我能免乎其若得朝見時即以君蘭言之於上也

通鑑考異曰案荀紀蘭作簡五鹿復姓風俗通云五鹿衛邑晉公子重耳封舅犯於此後因為氏天下真

大治士則不隔矣真大治者非文致太平之謂士則不隔者謂賢士之路開無隔塞之患也列子黃帝篇

天下大治幾若華胥氏之國史記秦本紀自黃帝作為禮樂法度身以先之僅以小治

堯宗頻

丘人

匈奴呼韓邪單于北歸庭

巳卯二年春二月赦○以韋玄成為丞相○三月朔日食

○夏六月赦

書法

赦必書不悉書自元帝始其自元帝始何不勝書也自趙主父始書大赦秦始皇帝不書

赦二世書大赦一高帝在位十二年書赦三而五年一赦再赦惠帝在位七年書赦一呂太后八年不書赦文帝七年始書赦凡二十三年書赦三景帝十六年書赦六武帝五十四年書赦一十八昭帝十三年書赦七宣帝二十五年書大赦一書赦八凡書赦九而為鳳凰而赦者居其四元帝即位至是七年書赦五矣合而考之秦皇呂后不論莫疎於文帝其次惠帝而元帝為最數矣故畧之自是赦無事

義者不書

○以匡衡為光祿大夫

上問給事中匡衡以地震日食之變衡上疏曰陛下
閔愚民觸法抵禁比年大赦使得自新天下幸甚臣
竊見大赦之後姦邪不為衰止今日大赦明日犯法
相隨入獄此殆導之未得其務也今天下俗貪財賤
義重聲色上侈靡廉恥之節薄淫辟之意縱紀綱失
序疏者踰內親戚之恩薄婚姻之黨隆苟合徼幸以
身設利不改其原雖歲赦之刑猶難使錯而不用也
臣愚以為宜壹曠然大變其俗夫朝廷者天下之楨
幹也公卿相與循禮恭讓則民不爭好仁樂施則下
不暴上義高節則民興行寬柔和惠則衆相愛此四
者明王之所以不嚴而成化也朝有變色之言則下
有爭鬪之患上有自專之士則下有不讓之人上有
克勝之佐則下有傷害之心上有好利之臣則下有
盜竊之民此其本也治天下者審所上而已教化之
流非家至而人說之也賢者在位能者在職朝廷崇
禮百僚敬讓道德之行由內及外自近者始然後民

知所法遷善日進而不自知也今長安天子之都親承聖化然其習俗無以異於遠方郡國來者無所法則或見侈靡而放傲之此教化之原本風俗之樞機宜先正者也臣聞天人之際精祲有以相盪善惡有以相推事作乎下者象動乎上陰變則靜者動陽蔽則明者晦水旱之灾隨類而至陛下祗畏天戒哀閔元元宜省靡麗考制度近中正遠巧佞以崇至仁匡失俗道德弘於京師淑問揚乎疆外然後大化可成禮讓可興也上說其言遷衡為光祿大夫荀悅曰夫赦者權時之宜非常典也漢興承秦之敝比屋可刑故設三章之法大赦之令蕩滌穢流與民更始時勢然也後世承業襲而不革失時宜矣若孝景之時七國皆亂異心並起武帝末年羣盜巫蠱人不自安及光武撥亂之後如此之比宜為赦矣胡氏例自此後赦之無事義者**集覽**刑猶難使錯注見文帝十三年不復載今從之

乃楨榦注楨音貞榦工榦反蔡氏傳曰楨榦板築之木題曰楨檣端木也旁曰榦板兩邊障土者精浸李奇曰浸氣也言天人精氣相動也顏師古曰浸謂陰陽氣相浸漸以成灾祥左傳昭十五年吾見赤黑之浸注浸妖氣也氛惡氣也浸妖子鳩反

秋七月隴西羌反遣右將軍馮奉世將兵擊之冬十一月大破之

上以隴西羌反詔丞相成等入議是時歲比不登朝廷方以為憂而遭羌變成等漠然莫有對者右將軍馮奉世曰羌虜近在竟內背叛不以時誅無以威制遠蠻臣願帥師討之上問用兵之數對曰臣聞善用兵者役不再興糧不三載故師不久暴而天誅亟決今反虜無慮三萬人法當倍用六萬人然羌戎

弓矛之兵器不犀利可用四萬人一月足以決丞相御史皆以為民方收歛未可多發發萬人屯守之且足奉世曰不可天下饑饉士馬羸耗夷狄皆有輕邊吏之心今以萬人分屯數處戰則挫兵病師守則百姓不救如此怯弱之形見羌人乘利諸種並和相扇而起臣恐中國之役不得止於四萬非財幣所能解也故少發師而曠日與一舉而疾決利害相萬也固爭之不能得有詔益二千人於是遣奉世到隴西分屯三處先遣兩校尉與羌戰為所破殺奉世具上地形部衆多少之計願益三萬六千人上為發六萬餘人十一月羌虜大破斬首數千級餘皆走出塞

集覽

詔罷吏士頗留屯田備要處賜奉世爵關內侯

師不久暴劉伯莊曰暴音僕露也謂不久宿兵於郊野之外無慮注見五代唐明宗長興三年並和史炤

曰和胡卧

正誤

年無慮今按集覽注見宋文帝元嘉六

反應也

數也

庚辰

三年春三月立子康為濟陽王質實

一統志云濟陽漢初縣名屬濟

陰郡後為濟陽國於此東漢廢之故城在兗州府曹縣西南五十里

○冬十一月地震雨

水○復鹽鐵官置博士弟子員千人

以用度不足民多復除無以給中外繇役故也

書法

自武帝始置博士弟子五十人元朔五年至帝罷其員數民通一經者皆復其身初元五

年及是復除者多無以供役然後又以千人限之意雖近狹而實廣也故綱目不書限書置而當時

儒學之盛亦可見矣

辛巳四年夏六月晦日食以周堪為光祿大夫張猛為太

中大夫猛自殺考異

提要猛自殺上有堪卒二字據分注刊本漏也

上以日食召諸前言日變在周堪張猛者責問皆稽首謝因下詔稱堪之美徵拜光祿大夫領尚書事猛復為太中大夫給事中石顯堯尚書尚書五人皆其黨堪希得見常因顯白事事決顯口會堪疾瘖不能言而卒顯誣譖猛令自殺於公車胡氏曰周堪反因石顯白事是欲追賊而以賊為尊也豈其年老病耗志不帥氣而然邪若當望之飲鴆之後稱疾而去則善矣

書法

自殺未有不書故者不書故無故也無故者必有其故於是任其咎者矣是時帝以日

食召前言日食咎在堪猛者責問之因徵用二公則帝既知猛矣而又縱顯譖之自殺帝誠何心

哉猛不書官
蒙上文也

發明

望之堪猛更生下獄自殺皆不書其故則元帝之闇可知雖然堪以受遺大臣隨即黜辱

自宜亟退况賢如望之猶且不免堪乃復列九卿方且援引張猛給事中歷數年間未聞有所補益而左遷之命下矣此又不去尚復何待是時羣小在內主德不明必無可為之理雖曰召用果何為者冒進不已自取顛覆無可稱述故堪不書卒而猛之自殺且削其給事中之官蓋其進退存亡皆不足錄故畧之爾畧之者賤之也其旨嚴矣

冬十月罷祖宗廟在郡國者

初貢禹奏言孝惠孝景廟皆親盡宜毀又郡國廟不應古禮宜正定天子是其議至是行之

集覽

親盡宜毀穀梁傳曰作主壞廟范甯曰親過高祖則毀其廟以次而遷將納新神示有所加也老蘇族譜引曰服始於衰而至於緦而至於無服無服則親盡親盡則情盡情盡則喜不慶憂不弔喜不慶憂不弔則塗人也毀其廟而不祭矣文公家禮曰易世則改題主而遞遷之注云大宗之家始祖親盡則藏其主於墓所小宗之家高祖親盡則遷其主而埋之喪禮大祥章亦云若有親盡之祖而其別子也則遷主於墓所不埋夫遷主於墓而不埋則墓所必有祠堂以奉墓祭

書法

禮凡祀有其舉之莫敢廢也自漢太上皇崩高帝令諸侯王國皆立廟是後高祖太宗世

宗莫不立焉非也於是而罷之亦非也故謹書之

作初陵不置邑徙民

書法

特筆也帝於是可謂知節矣

壬午五年秋潁川大水質實

潁川郡名注見靈帝中平元年

○冬十二月毀太

上皇孝惠帝寢廟園考異

孝惠下本或漏皇字

從韋玄成之議也

發明

昔魯毀泉臺春秋書之傳者謂先君為之已毀之不如勿居而已夫一臺至微猶謹之若

此况祖宗廟園乎如使立之非禮則立之者失爾承襲已久無故毀之乃所以彰前人之失也故去年書罷祖宗廟在郡國者今年書毀太上皇惠帝寢廟園明年書罷孝文太后寢祠園毀者是則立者非矣特書屢書皆譏之也

以匡衡為太子少傅

上好儒術文辭頗改宣帝之政言事者多進見人
自以為得上意又傳昭儀及濟陽王康愛幸逾於皇
后太子衡上疏曰臣聞治亂安危之機在乎審所用
心蓋受命之王務在創業傳之無窮繼體之君心存
於承宣先王之德而褒大其功昔者成王之嗣位思
述文武之道以養其心休烈盛美皆歸之二后而不
敢專其名是以上天歆饗鬼神祐焉陛下聖德天覆
子愛海內然陰陽未和姦邪未禁者殆論議者未至
揚先帝之盛功爭言制度不可用也務變更之所更
或不可行而復復之是以羣下更相是非吏民無所
信臣竊恨國家釋樂成之業而虛為此紛紛也願陛
下詳覽統業之事留神於遵制揚功以定羣下之心
傳曰審好惡理情性而王道畢矣治性之道必審已
之所有餘而強其所以不足蓋聰明通者戒於太察

寡聞少見者戒於壅蔽勇猛剛强者戒於太暴仁愛
溫良者戒於無斷湛靜安舒者戒於後時廣心浩大
者戒於遺忘必審已之所當戒而齊之以義然後中
和之化應而巧偽之徒不敢比周而望進唯陛下戒
之以崇聖德臣又聞室家之道脩則天下之理得故
詩始國風禮本冠婚所以原情性而明人倫正基兆
而防未然也故聖王必慎后妃之際別適長之位卑
不踰尊新不先故所以統人情而理陰氣也適子冠
乎阼禮之用醴衆子不得與列所以貴正體而明嫌
疑也非虛加其禮文而已乃中心與之殊異故禮探
其情而見之外也聖人動靜游燕所親物得其序則
海內自脩百姓從化如當親者疏當尊者卑則巧佞
之姦因時而動以亂國家故聖人慎防其端禁於
未然不以私恩害公義傳曰正家而天下定矣

集

覽

二后文王武王復復上音扶富反又也下音扶目
反返也樂成顏師古曰樂音洛已成之業也大案

河決

用明大過也詩始國風詩闕睢后妃之德也風之始也文公傳曰所謂闕睢之亂以為風始是也蓋謂國風篇章之始亦風化之所由始也禮本冠婚記冠義曰敬冠事所以重禮重禮所以為國本也婚義曰婚禮者禮之本也適子冠乎祔禮之用禮記冠義曰冠於祔以著代也醺於客位注祔謂主人之北也適子冠於祔若不醺則醺用酒於客位敬而成之也戶西為客位庶子冠於房戶外又因醺焉不代父也醺祭也冠禮醺重而醺輕不醺明不為改冠改冠當醺之動靜游燕所親每動靜游燕之間必皆與所親者俱

初武帝既塞宣房後河復北決於館陶分為屯氏河東北入海廣深與大河等故因其自然不隄塞也是歲河決清河靈鳴**集覽**塞宣房房本作防初河決瓠犢口而屯氏河絕

上名曰宣防義取宣導防壅也館陶注見晉孝武帝
太元九年屯氏河在魏郡館陶縣境內屯徒渾反隋
誤以屯為毛乃置毛州失之矣清河靈鳴犢口史炤
曰鳴犢河名在清河郡靈縣鳴犢案清河今恩州是
質實一統志云宣房宮名在大名府開州城西南二

十五里瓠子口之上屯氏河即衛河也在東昌

府館陶縣西二里漢名屯氏河隋疏為永濟渠亦曰
御河源自河南衛輝府輝縣東北流至臨清與會通
河合流入海大河源發登州府棲霞縣治南東流經
福山縣界合清洋河入海清河漢之郡名治武城縣
後魏移置清河郡及縣於漢歷城縣北齊移治仍舊
後周置貝州郡如故隋罷郡以清河縣屬黔州五代
晉陞為永清軍宋改為恩州金屬大名府元直隸省
部本朝改為恩縣改屬東昌府靈漢之縣名屬清河
郡晉廢之故城在東昌府博平縣西北三十里鳴犢
口在東昌府高唐州南三十五里漢武帝時河決靈

鳴犢口
即此

癸未建昭元年春正月隕石于梁集覽和四年梁國名注見武帝征

景帝三年○罷孝文太后寢祠園

甲申二年夏六月立子興為信都王質實信都國名注見秦二世二年

○秋殺魏郡太守京房

房學易於焦延壽延壽常曰得我道以亡身者京生也其說長於災變分六十卦更直日用事以風雨寒溫為候各有占驗以孝廉為郎屢言災異有驗天子說之數召見問房對曰古帝王以功舉賢則萬化成瑞應著末世以毀譽取人故功業廢而致災異宜令百官各試其功災異可息詔使房作其事房奏考功

課吏法上令羣臣議皆以房言煩碎令上下相伺不
可許上意鄉之時石顯顯權五鹿充宗為尚書令用
事房嘗宴見問上曰幽厲之君何以危所任者何人
也上曰君不明而所任者巧佞房曰知其巧佞而用
之邪將以為賢也上曰賢之房曰然則今何以知其
不賢也上曰以其時亂而君危知之房曰若是任賢
必治任不肖必亂必然之道也幽厲何不覺寤而更
求賢曷為卒任不肖以至於上是上曰臨亂之君各賢
其臣令皆覺寤天下安得危亡之君房曰齊桓公秦
二世亦嘗聞此君而非笑之然則任豎刁趙高政治
日亂盜賊滿山何不以此幽厲卜之而覺寤乎上曰唯
有道者能以往知來耳房因免冠頓首曰春秋紀二
百四十二年災異以示萬世之君今陛下即位已來
日月失明星辰逆行山崩泉涌地震石隕夏霜冬雷
春凋秋榮水旱螟蟲民人饑疫盜賊不禁刑人滿市
春秋所紀災異盡備陛下視今為治邪亂邪上曰亦

極亂耳尚何道房曰今所任用者誰與上曰然幸其
愈於彼又以為不在此人也房曰夫前世之君亦皆
然矣臣恐後之視今猶今之視前也上良久乃曰今
為亂者誰哉房曰明主宜自知之上曰不知也如知
何故用之房曰上最所信任與圖事帷幄之中進退
天下之士者是矣房指謂石顯上亦知之謂房曰已
諭房罷出後上亦不能退顯也上令房上弟子曉知
考功課吏事者欲試用之房上中郎任良姚平願以
為刺史試考功法臣得通籍殿中為奏事以防壅塞
顯充宗疾房欲遠之建言以房為魏郡太守得以考
功法治郡房自請歲竟乘傳奏事許之未發復詔止
之房去至新豐上封事曰臣前六月中言遯卦不効
法曰道人始去寒涌水為災至七月涌水出臣弟子
姚平謂臣曰涌水已出道人當逐死尚復何言且房
可謂知道未可謂信道可謂小忠未可謂大忠也昔
秦時趙高用事有正先者非刺高而死高威自此成

故秦之亂正先趣之今臣得出守郡自詭効功恐未
効而死惟陛下毋使臣塞涌水之異當正先之死為
姚平所笑至陝又言議者欲隔絕臣而陛下聽之此
蒙氣所以不解而太陽無色者也唯陛下下難還臣
而易逆天意房去月餘竟徵下獄初淮陽憲王舅張
博傾巧無行從房學以女妻房房每朝見退輒為博
道其語博因記房所說密語令房為王作求朝奏草
皆持東與王以為信驗顯知之告房博非謗天子註
誤諸侯王皆下獄棄市妻子徙邊胡氏曰君臣之交
有淺深交深者聖人猶存不可則止數斯辱矣之戒
况交淺者乎京房事元帝帝纔得為郎其交固淺陳考
功法帝雖鄉之而公卿朝臣皆以為不可又欲去上
所親信而不量元帝之庸懦不可信也亦難乎其免
矣房學易不明其道徒以災變占候為事此易之末
也易曰不出戶庭無咎又曰樂天知命故不憂房皆
違之而於其術亦不能自信也故占候前知之學君

子不貴焉惟明乎消息盈虛之理語默**集覽**焦延壽進退之幾以不失乎時中則易之道也姓焦名

延壽字贛以孝廉為郎以其孝廉舉之為郎也郎注見武帝元朔三年豎刁豎音樹刁與貂通周禮內豎

掌內外之通令凡小事注童豎出入便疾故使之通命令給小事焉顏師古曰豎刁即寺人貂齊桓公

之閹宦也管仲死桓公以豎刁為相桓公病易牙與豎刁作亂房指京房之指意已諭為句諭曉也新豐

本京兆酈邑也漢高以太上皇思土乃築城寺市里似豐縣又從豐民實之號曰新豐括地志云故城在

雍州新豐縣西南四里漢新豐宮也後縣廢屬臨潼縣正先姓名也左傳宋上卿正考父之後草皆持東

與王草文橐也所作求朝之奏草並持向東以與憲王註誤註古賣反亦誤也案景帝詔曰吳王濞為逆

註誤更**正誤**奏草皆持東與王今按草字當屬上文民即此奏字為句蓋以記房所說密語并所作

求朝奏草二者皆持東與王

質實

一統志云京房東郡頓丘人焦延壽

若獨持奏草則不云皆也

東郡頓丘人魏郡漢初所置治鄴縣東漢末冀州徙

治鄴魏曹操受封於此後稱為鄴都晉仍為魏郡屬

冀州後趙石虎前燕慕容皝並都之後魏於此置相

州東魏靜帝徙都之改曰司州北齊武帝又都之改

為清都尹後周復改為相州及魏郡治安陽隋初罷

郡為相州大業初復改魏郡唐為相州天寶初改鄴

郡乾元初復為相州五代梁置昭德軍節度晉改彰

德軍宋復為相州屬河北道金陞彰德府元改彰德

路本朝改為彰德府隸河南道新豐注見成

帝鴻嘉元年陝縣名注見周顯王四十一年

發明

京房不知進退存亡之理盡言以殺其身若

房者可謂學易而不知夫易者也雖然此特

為房言爾若元帝者既知其言之是矣不惟不能

用又從而殺之是烏足以為君哉死不以罪故書

用又從而殺之是烏足以為君哉死不以罪故書

殺而不
去其官

下御史中丞陳咸獄髡為城旦質實

陳咸沛郡相
人萬年之子

陳咸數毀石顯久之坐與槐里令朱雲善漏泄省中
語與雲皆下獄髡為城旦顯威權日盛與中書僕射
牢梁少府五鹿充宗結為黨友諸附倚者皆得寵位
民歌之曰牢邪石邪五鹿客邪印何累累綬若若邪
顯恐天子一旦納用左右耳目以間已乃時歸誠取
一信以為驗嘗使至諸官有所徵發先自白恐後漏
盡宮門閉請使詔吏開門上許之顯故投夜還稱詔
開門入後果有告顯矯詔開宮門上笑以其書示顯
顯因泣曰陛下過私小臣屬任以事羣下無不嫉妬
欲陷害臣者事類如此非一願歸樞機職受後宮掃
除之役死無所恨惟陛下哀憐財幸以此全活小臣
上憐之數勞勉顯加厚賞賜顯聞衆人匈匈言已殺

蕭望之恐天下學士訕已以貢禹明經著節乃使人
致意深自結納因薦禹歷位九卿禮事之甚備議者
於是或稱顯以為不妬譖望之矣顯之設變詐以自
解免取信人主者皆此類也荀悅曰夫佞臣之惑君
主也甚矣故孔子遠佞人非但不用而已乃遠而絕
之隔塞其源戒之極也孔子曰政者正也要道之本
正已而已平直真實者正之主也賢能功罪言行事
物必核其真然後應之則衆正積於上而萬事實於
下**集覽**印何纍纍綬若若印執政所持信也纍倫追
矣反禮記纍纍如貫珠綬組也若若長貌顏師
古曰印纍纍綬若若言其兼官據勢也應劭漢官儀
曰御史大夫以上金印中二千石銀印千石至四百
石皆銅印也綬長一丈二尺法十二月閏三尺法天
地人此佩印之組也乃時歸誠時時歸納誠款以取
信於上漏盡刻漏法以銅為渴鳥狀如鈎曲注水以
浮刻漏之箭律歷志立晷儀下漏刻以追二十八宿

注漏謂銅壺刻謂浮箭追步也財幸財
與纔通淺也猶言僅也謂財近愛幸
正誤按財幸今

裁通裁擇而幸從其言
質實朱雲
也見漢書賈誼傳註

閏八月太皇太后上官氏崩考異提要閏字上誤加秋字

書法后崩不氏此其書氏何別疑也於是太皇太后歷四朝矣故詳之后崩書氏自此始

○冬齊楚地震大雨雪

書法綱目雪不書書三月雪四月雪記異也此冬爾常也何以書地震而大雪則非常矣故書

乙酉三年夏六月丞相立成卒秋七月以匡衡為丞相○

冬西域副校尉陳湯矯制發兵與都護甘延壽襲擊匈

奴郅支單于於康居斬之質實

一統志云陳湯山陽瑕丘人甘延壽郁郅人

始郅支單于自以大國又乘勝驕不為康居王禮發民作城遣使責諸國歲遺漢遣使三輩至康居求谷吉等死郅支困辱使者不奉詔陳湯為人沈勇有大慮多策謀喜奇功與甘延壽謀曰夷狄畏服大種西域本屬匈奴今郅支威名遠聞侵陵烏孫大宛欲降服之如得此二國數年之間城郭諸國危矣且其人剽悍好戰伐數取勝久畜之必為西域患如發屯田吏士毆烏孫衆兵直指其城下彼亡無所之守不自保千歲之功可一朝而成也延壽欲奏請之湯曰國家與公卿議大策非凡所見事必不從會延壽病湯獨矯制發諸國兵及屯田吏士延壽驚起欲止焉湯怒按劔叱曰大衆已集會豎子欲沮衆邪延壽從之部勒行陳合四萬餘人上疏自劾矯制陳言兵狀即日引行未至城三十里止營郅支遣使問漢兵何以

來應曰單于上書言居困阨願入朝見天子哀憫單于棄大國屈意康居故使都護將軍來迎恐左右驚動故未敢至城下使數往來相答報延壽湯因讓之我為單于遠來而至今無名王大人見將軍受事者何單于忽大計失客主之禮也兵來道遠人畜罷極食度且盡恐無以自還願單于與大臣審計策明日進薄城下四面圍城發薪燒木城四面火起吏士喜大呼乘之鉦鼓聲動地康居兵引卻漢兵四面推鹵楯並入單于被創死斬其首得漢使節二

集覽

至康居求

及谷吉等所齎帛書諸鹵獲以畀得者

谷吉等死先是郅支單于遣使求侍子元帝遣谷吉送其侍子至單于庭郅支殺之所以求問谷吉何為

而死也今乃至康居求問者蓋其年康居迎郅支至其國與之合兵也康居國在長安西萬六百里居音

渠剽悍剽與慄慄通漢書項羽慄悍史記作慄慄索隱曰慄疾悍勇也或云慄輕也並匹妙反非凡所見

凡常也此非尋常所見之事進薄薄音博迫近之義
左傳宋師未陣而薄之注薄之者迫與之戰也鉦鼓
鉦音征鉦也似鈴柄中上下通周禮以金鉦止鼓注
鉦尼交反小鉦也鹵楯兵器也所以蔽身扞目者鹵
或作楯大楯也楯豎尹反字本作盾被創
創音初莊反傷也徐氏按此正刀創字

發明

延壽為都護而陳湯乃副校尉耳今乃以湯
主兵者蓋設謀在湯而延壽則從之者也故
其書法如此若夫鄧支殺漢使者前已顯書于冊
湯能誅之可謂偉績然綱目不沒其矯制之實者
正其誼不謀其利明其道不
計其功此固春秋之法也

丙戌
四年春正月傳首至京師縣豪街十日

延壽湯上疏曰臣聞天下之大義當混為一昔有唐
虞今有疆漢匈奴支單于反逆未伏其辜慘毒行

於民大惡通於天臣延壽臣湯將義兵行天誅賴陛下神靈陰陽並應天氣精明陷陳克敵斬郅支首及名王以下宜縣頭橐街蠻夷郎間以示萬里丞相匡衡等以為方春掩骼埋胔之時宜勿縣詔縣十日乃理之仍告祠郊廟赦天下羣臣上壽置酒

集覽

縣頭橐街縣挂也三輔黃圖云橐街在長安府南門

內晉灼曰橐街舊有蠻夷邸若今鴻臚館掩骼埋胔記月令孟春文鄭氏注骨枯曰骼肉腐曰胔掩埋之者不以死氣迎生氣也

骼江百反胔才賜反

書法

書與甘延壽襲擊何不矯制累延壽也樓蘭王傳首北闕下不書此何以書罪郅支也

前書殺漢使者其罪矣是故苟矯也雖討有罪必書矯示民有君也然則樓蘭非殺漢使歟樓蘭之罪既謝服矣又誘殺之以

是為非討也故傳首不書

藍田地震山崩壅霸水安陵岸崩壅涇水逆流質實

藍田

縣名注見周赧王四年霸水注見秦王政二十二年安陵惠帝陵邑注見惠帝七年涇水注見秦王政元年

書法

岸崩爾常事也何以書壅水逆流則非常矣終綱目書岸崩三是年新莽丙子年靈帝光

和六年而壅涇水者二是年新莽丙子年

發明

地宜靜而震山宜安而崩水宜順而逆是皆反常之變也小人竊柄君子在野臣不臣之

應著矣下逆上之理明矣上天之告戒切矣綱目之書法嚴矣

丁亥五年夏六月晦日食○秋七月復諸寢廟園

上寢疾久不平以為祖宗譴怒故盡復之唯郡國廟遂廢

集覽

寢廟園寢謂陵上寢殿園謂山陵塋

域頗師古曰古不墓祭漢諸陵皆有園寢者承奉所為也寢本在宗廟後有衣冠几杖象生之具以薦新物不平疾未愈

書法

前書罷上皇孝惠寢園矣又書罷孝文太后寢園矣於是而復則以上體不平故也漢人

輕議宗廟之罪大矣備書譏之

發明

既毀之又復之至明年又罷之及成帝繼體又從而復之其毀也以禮不合其復也以體

不平是否得失果安在哉書之者惡之也

徙濟陽王康為山陽王質賈

濟陽國名注見永光四年山陽國名注見成帝河平

二年

子茂竟寧元年春正月匈奴單于來朝

匈奴呼韓邪單于聞郅支既誅且喜且懼入朝自言願婿漢氏以自親帝以後宮良家子王嬙字昭君賜之單于驩喜上書願保塞上谷以西至燉煌請罷邊備塞吏卒以休天子人民議者皆以為便郎中侯應習邊事以為不可許上問狀應曰臣聞北邊塞至遼東外有陰山東西千餘里草木茂盛多禽獸本冒頓依阻其中治作弓矢至孝武世斥奪此地攘之於幕北建塞徼起亭隧築外城設屯戍以守之然後邊境得用少安幕北地平少草木多大沙匈奴來寇少所蔽隱從塞以南徑深山谷往來差難邊長老言匈奴失陰山之後過之未嘗不哭也如罷備塞戍卒示敵人之大利不可一也外蕃之情困則退遁彊則入侵前已罷外城省亭隧安不忘危不可復罷二也中國有禮義之教刑罰之誅愚民猶尚犯禁又况單于能

必其衆不犯約哉三也中國尚建關梁設塞徼置之
戎非獨為匈奴而已亦為諸屬國降民思舊逃亡四
也近西羌保塞漢吏民貪利侵盜其畜產妻子以此
怨恨起而背畔今罷乘塞則生嫚易分爭之漸五也
往者從軍多沒不還者子孫亡出從之六也邊人奴
婢愁苦聞匈奴中樂欲亡者多七也盜賊桀黠亡走
北出八也起塞以來百有餘年非皆以土垣也或因
山巖石木谿谷水門稍稍平之卒徒築治功費久遠
不可勝計議者不深慮其終始卒有他變當更繕治
累世之功不可卒復九也單于自以保塞守禦請求
無已小失其意則不可測開夷狄之隙虧中國之固
十也對奏天子使車騎將軍嘉口諭單于曰單于上
書鄉慕禮義所以為民計者甚厚朕甚嘉之中國四
方皆有關梁障塞非獨以備塞外也亦以防中國姦
邪放縱出為寇害故明法度以專衆心也敬諭單于
之意朕無疑焉為單于恠其不罷故使嘉曉單于單

于謝曰愚不知大計天子幸使大臣
告語甚厚歸號昭君為寧胡閼氏
集覽良家子如淳曰良家

子非醫巫商賈百工也又注見宣帝甘露三年家人
子幕北幕通作漠瓚曰沙土曰漠應劭曰沙漠之北

匈奴南界也即突厥中磧耳塞徽塞先代反塞之為
言隔也徽音叫境也謂以木石水為界晉灼曰西南

之微猶東北之塞也亭隧注見武帝征和四年閼梁
周禮司閼注閼界上門也梁水橋也詩造舟為梁將

軍嘉嘉將軍名也姓許**質實**上谷郡名注見秦王政
閼氏注見高帝六年三年燉煌郡名注見唐

莊宗同光二年遼東郡名注見
秦王政三年陰山注同上年

三月以張譚為御史大夫

初石顯見馮奉世父子為公卿著名女子又為昭儀心
欲附之薦昭儀兄遂脩敕宜侍帷幄天子召見遂因

言顯顯權上怒罷遂及御史大夫缺在位多舉遂兄
大鴻臚野王使尚書選第中二千石而野王行能第一
上以問顯顯曰九卿無出野王者然親昭儀兄臣恐
後世必以陛下度越衆賢私後宮親以為三公上曰
善吾不見是因詔曰剛彊堅固確然亡欲大鴻臚野
王是也心辨善辭可使四方少府五鹿充宗是也廉
潔節儉太子少傳張譚是也集覽野王名也字君質實
也其以少傳為御史大夫卿馮遂之兄

馮野王
杜陵人

以召信臣為少府

信臣先為南陽太守後遷河南治行常第一視民如
子好為民興利躬勸耕稼出入阡陌稀有安居開通
溝瀆以廣灌溉歲歲增加禁止奢靡務於儉約案其
不法以視好惡其化大行戶口增倍吏民親愛號曰

召父徵為少府請諸離宮稀幸者勿復治省樂

集覽

府諸戲及太官不時非法之物歲省費數十萬
召信臣召姓也與邵通音寔照反周文王子召公奭
之後阡陌劉伯莊曰開田界道使不相干也陌莫白
反風俗通曰阡陌田間道也以視好惡視古示字漢
書高祖視項羽無東意注顏師古曰漢書多以視為
示好惡質實一統志云召信臣九江壽春人

夏封甘延壽為義成侯賜陳湯爵關內侯

初石顯嘗欲以姊妻甘延壽延壽不取而陳湯素貪
所鹵獲財物入塞多不法司隸校尉移書道上繫吏
士案驗之湯上疏言臣與吏士共誅邪支單于幸得
禽滅萬里振旅宜有使者迎勞道路今司隸反逆收
繫案驗是為邦支報讐也上立出吏士令縣道具酒
食以過軍既至論功石顯匡衡以為延壽湯擅興師

矯制幸得不誅如復加爵土則後奉使者爭欲乘危
徼幸生事於蠻夷為國招難帝內嘉延壽湯功而重
違衡顯之議久之不決劉向上疏曰邦支單于囚殺
使者暴揚外國傷威毀重陛下赫然欲誅之意未嘗
有忘都護延壽副校尉湯承聖指倚神靈出百死入
絕域遂蹈康居屠三重城斬郅支之首掃谷吉之耻
且使呼韓喜懼稽首來賓願守北藩累世稱臣勲莫
大焉論大功者不錄小過舉大美者不疵小瑕司馬
法曰軍賞不踰月欲民速得為善之利也李廣利捐
五萬之師靡億萬之費經四年之勞而僅獲駿馬三
十匹雖斬宛王其私罪惡甚多孝武以為萬里征伐
不錄其過遂封拜兩侯三卿二千石百有餘人今康
居之國疆於大宛郅支之號重於宛王殺使者罪甚
於留馬而延壽湯不煩漢士不費斗糧比於貳師功
德百之且常惠隨欲擊之烏孫鄭吉迎自來之日逐
猶皆裂土受爵今二人功高於安遠長羅而大功未著

小惡數布臣竊痛之宜以時解縣通籍除過勿治尊
寵爵位以勸有功於是詔赦延壽湯令公卿議封焉
議者以為宜如軍法捕斬單于令衡顯以為邳友本
亡逃失國竊號絕域非真單于帝取鄭吉故事封千
戶衡顯復爭封延壽為義成侯賜湯爵關內侯食邑
各三百戶於是杜欽上疏追訟馮奉世前破莎車功
上以先帝時事不復錄荀悅曰誠其功義足封追錄
前事可也春秋之義毀泉臺則惡之舍中軍則善之
各由其宜也夫矯制之事先王之所慎也不得已而
行之若矯大而功小者罪之可也矯小而功大者賞
之可也功過相敵如斯而已可也權其輕重而為之
制宜焉胡氏曰甘延壽陳湯馮奉世矯制以成功一
也蕭望之匡衡以為不可封者春秋譏遂事之法也
劉向以為可封是未免以功利言耳如荀悅之論功
則有小大矣矯有小大乎哉如甘陳**集覽**立出吏士
之材氣別加任使而厚報之未晚也

所繫之吏士毀重損毀威重也屠三重城仲馮曰劉
向疏本作五重城疑五字誤靡億萬之費靡讀與縻
同散也貳師李廣利也為貳師將軍功德百之功與
德百倍勝之常惠隨欲擊之烏孫宣帝時烏孫昆彌
上書言匈奴侵擊唯天子出兵救之漢遂遣常惠護
烏孫兵共擊匈奴後隨昆彌還宣帝以常惠奉使克
獲封為長羅侯鄭吉迎自來之日逐宣帝時鄭吉田
於渠犂神爵二年匈奴乖亂日逐王先賢揮欲來降
使人與鄭吉相聞吉遂發兵迎詣京師上嘉吉功封
安遠侯解縣縣讀曰懸解倒縣之義追訟馮奉世前
破莎車功宣帝時莎車國殺漢使者衛侯馮奉世矯
制發兵進擊莎車其王自殺宣帝議封奉世蕭望之
以其矯制雖有功不可為後法乃以為光祿大夫今
杜欽以事雖已往故追訟之毀泉臺則惡之公羊傳
莊三十一年築臺于郎文十六年毀泉臺泉臺者何
郎臺也未成為郎臺既成為泉臺築之譏毀之譏先

祖為之已毀之不如勿居而已春秋譏之謂但當勿居令自毀壞不當故毀暴揚先祖之惡且以其無害於民也舍中軍則善之舍音捨萬二千五百人為軍古者天子六軍大國三次國二小國一其將皆命卿魯次國也命卿一人無中軍春秋襄十一年作三軍昭五年舍中軍公羊傳作三軍者何三卿也舍中軍者何復古也君子喜其復古質實一統志云義成漢以為不舍則有害於民也初縣名屬沛郡甘延壽受封為侯即此東漢廢之故址在鳳陽府霍丘縣北四十里杜欽南陽杜衍人延年子也

五月帝崩

班彪曰元帝寬弘恭儉少而好儒及即位徵用儒生委之以政貢薛韋匡迭為宰相而上牽制文義優游不斷孝宣**集覽**貢薛韋匡貢禹薛之業衰焉廣德韋玄成匡衡

書法

賀善贊曰元帝之初期月而書恭儉愛民之事四可謂賢矣然而不能辨別邪正望之堪更

生等再書下獄免而望之猛又皆以自殺書漢業之衰實自帝始綱目備書譏之以見君人之德莫

大於明與斷也

復罷諸寢廟園

匡衡奏言前以上體不平故復諸所罷祠卒不蒙福請悉罷勿奉奏可

書法

祖宗寢園以為親盡宜毀則不當復以為宜復則不當復罷罷而復復而罷予奪唯意謂

之何哉綱目詳書之所以深罪之也

六月太子驚即位

太子少好經書寬博謹慎其後幸酒樂燕樂而山陽王康有材藝母又愛幸上好音樂或置鞀鼓殿下自臨軒檻上墮銅丸以撻鼓中嚴鼓之節後宮及左右習知音者莫能為而山陽王亦能之上數稱其材駙馬都尉史丹進曰凡所謂材者敏而好學溫故知新皇太子是也若乃器人於絲竹鼓鞀之間則是陳惠李微高於匡衡可相國也於是上嘿然而笑其後中山哀王薨太子前弔王帝少弟與太子游學相長大上悲不能自止而太子不哀上大恨曰安有人不慈仁而可奉宗廟為民父母者乎以責謂丹丹免冠謝曰臣誠見陛下哀痛感損切戒太子毋涕泣感傷陛下臣罪當死上意乃解及寢疾數問尚書以景帝時立膠東王故事史丹以親密臣得侍疾候上間獨寢時直入卧內頓首伏青蒲上涕泣言曰皇太子以適長立積十餘年名號繫於百姓天下莫不歸心臣子今者道路流言為國生意以為太子有動搖之議審

若此公卿以下必以死爭不奉詔臣願先賜死以示
羣臣上意感寤胃然太息曰無有此議且皇后謹慎
先帝又愛太子吾豈可違指駙馬都尉安所受此語
丹即却頓首曰愚臣妄聞罪當死上因納謂丹曰吾
病寢加不能自還善輔道太子毋違我意丹噓唏而
起太子由是遂定至是即位後數月匡衡上疏曰陛
下秉至孝哀傷思慕不絕於心未有游虞弋射之宴
誠隆於慎終追遠無窮已也竊願陛下雖聖性得之
猶復加聖心焉臣又聞之師曰妃匹之際生民之始
萬福之原婚姻之禮正然後品物遂而天命全孔子
論詩以關雎為始此紀綱之首王教之端自上古以
來三代興廢未不由此者也願陛下詳覽得失盛
衰之效采有德戒聲色近嚴敬遠技能以定大基臣
聞六經者聖人所以統天地之心著善惡之歸明吉
凶之分通人道之正使不悖於其本性者也及論語
孝經聖人言行之要宜究其意臣又聞聖王之自為

動靜周旋物有節文蓋欽翼祇栗事天之容也溫恭敬遜承親之禮也正躬嚴恪臨衆之儀也嘉惠和悅饗下之顏也舉錯動作物遵其儀故形為仁義動為法則今正月初幸路寢臨朝置酒以饗萬方傳曰君

子慎始願陛下留神動靜之節使羣下得望盛德休光以立基楨天下幸甚

集覽

聲鼓也周

禮旅帥執鼙記月令命樂師脩鞀鞀鼓先儒謂鼓有柄曰鞀大鞀曰鞀鞀與鞀同又樂記鼓鞀之聲謹謹

以立動動以進衆君子聽鼓鞀之聲則思將帥之臣鞀步西反自臨軒檻上墮銅丸以槌鼓墮徒回反下

墜也適今則擲投也臨近軒檻邊於其上以銅丸墜下而槌鼓也楚辭招魂篇高堂邃宇檻層軒晦庵集

註軒樓板也檻軒前欄也殿上臨邊之飾亦以防人墜墜中嚴鼓之節中竹仲反當也嚴鼓莊嚴鼓節也

器人取人器能也如孔子謂子貢瑚璉之器陳惠李微二人皆橫門鼓吹相長大言中山王與太子長大相

等立膠東王故事初景帝立子榮為太子徹為膠東
王後廢榮而立徹是為武帝青蒲應劭曰以青規地
曰青蒲非皇后不得至此服虔曰以青緣蒲席也孟
康曰以蒲青為席用蔽地也說各不同今兼錄之莫
不歸心臣子史丹傳注顏師古曰言臣子者謂自託
為臣子也仲馮曰臣子宜屬下句不當斷之為國生
意將為國家別生他意妃匹妃讀與配同嚴恪恭謹
貌嚴讀曰儼路寢人君所居皆曰寢鄭玄曰路寢制
如明堂以聽政路大也杜預曰路寢前殿也朝諸侯
羣臣之處基楨基牆始也楨謂榦板築之木也

正誤

中嚴鼓之節今按嚴謂急擊也中山王與太子
游學相長大今按長字上聲顏師古曰同處長

養以至壯大也天下莫不歸心臣子今按史丹傳臣
子下有見定陶王雅素愛幸一句故仲馮以為宜屬下
句綱目節去此句而臣子二字一本改實實一統志
作太子宣朱子意邪刪去二字无順

質實

云史丹

魯人

尊皇太后曰太皇太后皇后曰皇太后○以元舅王鳳

為大司馬大將軍領尚書事質實

一統志云王鳳元城人賀之孫也

書法

書元舅何譏私也王氏之篡始此矣故謹書之是故魏冉書舅王鳳書舅王崇書舅

發明

元舅未有書而此書之者所以著外戚得權之始新莽篡竊之漸爾履霜堅冰可不戒哉

○秋七月葬渭陵質實

一統志云渭陵在西安府咸陽縣東北一十二里

己丑孝成皇帝建始元年春正月石顯以罪免歸故郡道死

丞相御史奏顯舊惡免官徙歸故郡憂薨道死五鹿充宗左遷玄菟太守司隸校尉王尊劾奏丞相衡御

史大夫譚知顯等顯權擅執大作威福為海內患害
不以時白奏行罰而阿諛曲從附下罔上懷邪迷國
無大臣輔政之義皆不道在赦令前赦後衡譚舉奏
顯不自陳不忠之罪而反揚著先帝任用傾覆之徒
妄言百官畏之甚於主上卑君尊臣非所宜稱失大
臣體於是衡慙懼免冠謝罪上丞相侯印綬天子以
新即位重傷大臣乃左遷尊為高陵令質實高陵縣
然羣下多是尊者衡由是嘿嘿不自安

周赧王四十九年

書法

書免歸道死何譏失刑也人不能誅而天誅之於是漢為失刑矣故書以罪免而削其中

書令終綱目宦官書免二石顯侯覽
書削官三程元振仇士良李敬寔

有星孛于營室○封舅王崇為安成侯賜譚商立根逢

時爵關內侯集覽

譚商立根逢時五舅之名平阿侯王譚成都侯王商紅陽侯王立曲陽侯

王根高平侯王逢時質實

一統志云安成漢舊縣名屬汝南郡後省之故城在汝寧府城東南汝水北

○夏四月黃霧四塞

詔博問公卿大夫無有所諱諫大夫楊興等對皆以
為陰盛侵陽之氣也高祖之約非功臣不侯今太后
諸弟皆以無功為侯外戚未曾有也
大將軍鳳懼上書辭職優詔不許

書法

齊淮南王子不序文帝十六年此其序何病
漢也序則曷為病漢以為無一人不侯矣故

下書黃霧四塞帝之昏實為
之譚等不書舅蒙上文也

發明

上書諸舅封爵下書黃霧四塞天戒昭然可
知乃反博問公卿大夫何哉及夫楊興等指

言其失亦且如水投石成帝初
政繆戾若此雖欲不亡得乎

秋八月有兩月相承晨見東方

書法

兩月何非月也非月也故曰有有也者所未
嘗有者也漢書有兩月相承晨見東方晉書

有三日相承東行愍帝建興二年皆未嘗有者也
終綱目各一書而已矣晉穆帝升平元年六月秦
太史奏夜三月並
出不書不與焉

○冬作南北郊罷甘泉汾陰祠

又罷紫壇偽飾女樂鸞路駢駒龍
馬石壇之屬皆從匡衡之請也

集覽

甘泉注見文
帝三年汾陰

注見周顯王四十年鸞路鸞注見文帝元年鸞旗路
注見宋孝武帝大明三年五路駢駒駢赤色馬也二

歲曰駒記郊特牲曰牲用
騂尚赤也用犢貴誠也

庚寅二年春正月罷雍五時及陳寶祠集覽

雍五時
注見景

帝中六年郊五時陳寶祠史記封禪書秦文公獲若石
云于陳倉北阪城祠之其神或歲不至或歲數來來也
常以夜光輝若流星從東南來集于祠城則若雄鷄其
聲殷云野鷄夜雊以一牢祠命曰陳寶蘓林曰若石質
如石似肝也索隱曰云于案云語辭也瓚曰殷云案殷
聲也云足句之辭也陳倉縣有寶夫人祠歲與葉君合
葉神來時天為之殷殷雷鳴雉為雊韋昭曰在陳倉縣
寶而祠之故曰陳寶列異傳云陳倉人得異物以獻之
道遇二童子云此名為媚在地下食死人腦媚乃言云
彼童子名陳寶得雄者王得雌者霸乃逐童子化為雉
秦穆公大獵果獲其雌為立祠祭有光雷電之聲雄止
南陽有赤光長十餘丈來入陳倉祠中所以代俗謂之

寶夫人祠抑有由也括地志云寶鷄神祠在漢岐州陳倉縣故城中今陳倉縣東有石鷄在陳倉山上葉縣屬南陽葉君即雄雉之神質實一統志云陳寶祠在鳳翔府故時與寶夫人神合寶鷄縣東二十里史記秦文公獲若石於陳倉北阪城祠之其神來常以夜光輝若流星從東南來集于祠城則若雄鷄其聲殷殷云野鷄夜雖以一牢祠命曰陳寶

從匡衡之請也

始親祠南郊減天下賦錢算四十〇以渭城延陵亭部

為初陵質實

渭城縣名注見周顯王十九年咸陽縣延陵注見綏和二年初陵注同上年

〇三

月始祠后土於北郊〇立皇后許氏

后車騎將軍嘉之女也元帝傷母恭哀后居位日淺
 而遭霍氏之辜故選嘉女以配太子自上為太子時
 以好色聞及即位皇太后詔采良家女以備後宮杜
 欽說王鳳曰禮一娶九女所以廣嗣重祖也舉其窈
 窕不問華色所以助德理內也娣姪雖缺不復補所
 以養壽塞爭也故后妃有貞淑之行則肩嗣有賢聖
 之君制度有威儀之節則人君有壽考之福廢而不
 由則女德不厭女德不厭則壽命不究於高年男子
 五十好色未衰婦人四十容貌改前以改前之容侍
 於未衰之年而不以禮為制則其原不可救而後徠
 異態後徠異態則正后自疑而支庶有間適之心是
 以晉獻納讒申生蒙辜今聖主富於春秋未有適嗣
 方鄉術入學未親后妃之議將軍宜因始初之隆建
 九女之制詳擇行義之家求淑女之質毋必有聲色
 技能為萬世大法夫少戒之在色小卞之作可為寒
 心唯將軍常以為憂鳳白之太后太后以為故事無

有鳳不能自立法

集覽

禮一娶九女杜欽傳注陽數

度循故事而已

一三五七九九極陽數也天

子一娶九女夏殷之制也公羊傳莊十九年諸侯一
聘九女諸侯不再娶娣姪女弟曰娣兄弟之女曰姪
春秋成八年衛人來媵注古者諸侯取適夫人及左
右媵各有姪娣皆同姓之國國三人凡九女所以廣
繼嗣也魯將嫁伯姬於宋故衛來媵之左傳曰禮也
凡諸侯嫁女同姓媵之異姓則否九年晉人來媵左
傳曰禮也十年齊人來媵注異姓來媵非禮也公羊
傳曰三國來媵非禮也公羊傳莊十九年諸侯娶一
國則二國往媵之以姪娣從注必以姪娣從之者欲
使一人有子二人喜也所以防嫉妬令重繼嗣也疏
解云不相嫉妬共保其子也後徠異態顏師古曰徠
古文來字後徠謂後進者態異也支庶有間適之心
詩詁正長之子曰適餘衆曰庶支庶謂庶孽之衆如
木之有枝也間離間也晉獻納讒申生蒙辜注見高

帝十二年晉獻公以驪姬故廢太子小卞之作韻會
卞作并薄干反小弁詩文公傳曰周幽王娶於申生
太子宜臼後得褒姒而惑之生子伯服信其
讒遂黜申后逐宜臼而宜臼作此詩以自怨

書法

兩漢之篇書立某氏為皇后者恒辭也此其
書曰立皇后許氏何許氏嘉女嘉廣漢弟子

也倫序亦少乖矣故異其文異其文者異其事也
兩漢立后異其文者五惠后張氏宣后許氏成后
許氏哀后傅氏桓后梁氏
皆有故者也詳惠帝四年

夏大旱○匈奴呼韓邪單于死子復株累若鞮單于立

呼韓邪嬖呼衍王二女長曰顯渠閼氏生二子曰且
莫車曰囊知牙斯少曰大閼氏生四子曰雕陶莫臯
曰且麋胥皆長於且莫車呼韓邪欲立且莫車顯渠
閼氏曰匈奴亂十年今平定未久且莫車年少百姓

未附不如立雕陶莫臯大閼氏曰舍貴立賤后集覽

世必亂單于卒立雕陶莫臯約令傳國與弟

且莫車且子余

反下且麋胥同

辛卯三年春三月赦天下徒○秋大雨京師民訛言大水

至

關內大雨四十餘日京師民相驚言大水至奔走相
蹂躪老弱號呼長安中大亂大將軍鳳以為太后與
上及後宮可御船令吏民上城避水羣臣皆從鳳議
左將軍王商獨曰自古無道之國水猶不冒城郭今
何因當有大水一日暴至此必訛言不宜令上城重
驚百姓上乃止有頃稍定問之果訛言上於是美壯
商之固守數稱其質實一統志云王商蠡吾
議而鳳大慙恨

書法

書訛言何嘉王商也終綱目書訛言
三是年哀帝建平四年新莽乙亥年

八月策免大司馬車騎將軍許嘉

上欲專委任王鳳故策免嘉

書法

上欲專任王氏也書策免始此策免之辭有三策免某官某者無罪之辭也某官某有罪

策免者有罪之辭也某官某策免者薄乎云爾之辭也

冬十二月朔日食夜地震未央宮殿中詔舉直言極諫之士

杜欽谷永上對皆以為女寵太盛嫉妬專上將害繼嗣之咎
質實一統志云谷永未陽人

書法

食震同日大異也震宮殿中甚大異也終綱目各一而已矣

越雋山崩質實

越雋郡名注見武帝元鼎六年

○丞相樂安侯匡衡有

罪免為庶人質實

樂安縣名注見周赧王三十一年十乘郡

坐多取封邑四百項監臨盜所主守直十金以上免為庶人

集覽

監臨盜所主守直十金頗師古

曰法有主守盜斷官錢入已也律條賊直十金則至重罪

壬辰四年春正月隕石于亳四于肥壘二集覽

肥壘邑名屬真定古

肥子國也質實

一統志云肥壘漢之縣名屬真定國即古之肥子國後廢之故城在真定府藁

城縣西南毫未詳沿革或疑即毫縣未知是否姑闕之

書法

隕石記異也先是蓋屢書矣未有兩地同月者兩地同月大異也終綱目書隕石十二詳

秦始皇三十六年而帝居其四是年陽朔三年鴻嘉二年元延四年又有火生石中之書帝之世何多異哉至其兩地同月而隕終綱目一而已

○罷中書宦官初置尚書員五人

胡氏曰武帝置中書宦官三世不易恭顯之時權移人主豈易動哉至是一朝廢罷何其用力之省也蓋政歸元舅勢隆外家而廢置不出於人主也事雖盡善而其所以則不徒然矣

書法

此望之更生輩所以屢請而獲罪者也於是見之書喜之也亦傷之也其傷之何柄歸元

舅而廢置不出於人主矣終綱目書罷宦官二是年靈帝中平六年詔罷諸宦官

以王商為丞相○夏四月雨雪復召直言極諫之士詣
白虎殿對策

時上委政王鳳議者多歸咎焉谷永知鳳方見柄用
陰欲自託乃曰方今四夷賓服皆為臣妾諸侯大者
乃食數縣漢吏制其權柄百官盤互親疎相錯骨肉
大臣小心畏忌有申伯之忠無重舍昭之白過聽掩昧
三者無毛髮之辜竊恐陛下舍昭昭之白過聽掩昧
之瞽說歸咎無辜倚異政事重失天心不可之大者
也陛下誠深察愚言抗湛溺之意解偏駁之愛奮乾
剛之威平天覆之施使列妾得人人更進益納宜子
婦人毋擇好醜毋避嘗字以慰釋皇太后之憂愠解
謝上帝之譴怒則繼嗣蕃滋災異訖息矣杜欽亦倣
此意上皆以其書示後
集覽 申伯之忠周宣王之元
宮以永為光祿大夫

其忠於王室使為侯伯故稱申伯重合安陽博陸之
亂重合侯馬通武帝時謀反者馬何羅之弟也安陽
侯上官桀武帝時以捕斬重合侯功封安陽侯後事
昭帝謀反族誅博陸侯霍光以捕得馬何羅等功封
博陸侯其妻顯弑皇后許氏而光不發覺光卒之後
霍氏謀反族誅舍昭昭之白過舍式夜反釋也謂昭
然明白有罪過者乃舍之又谷永上言反除白臯多
繫無辜聽掩昧之瞽說掩鄔惑反藹暗不明也瞽非
謂無目者但不察事而言之不中於道如無目之人
倚異依物曰倚異謂災異也湛溺之意谷永傳注湛
讀曰沈書泰誓沈湎冒色蔡氏傳曰沈湎溺於酒色
偏駁之愛謂後宮愛幸不周普也毋避嘗字謂已嘗
字乳者不必避忌也谷永傳注如淳曰王鳳上小妻
弟以納後宮已曾字乳王章言之坐死今谷永為王
鳳洗前過也仲馮曰按王章言事坐誅在陽朔初而
永此對在建始四年則非為鳳言也觀永前後之文

實若為鳳但班固於此對後乃云永為上
第擢為光祿大夫則固建始四年中事
正誤倚異

今按谷永之意以災異為偏寵無繼嗣之故而帝乃
倚以為政事所致也抗湛溺之意今按湛與耽通樂
之過也說文作嫪字從女谷永正指湛溺女色非謂
溺於酒也抗者用力克去之義解偏駁之愛今按偏
者不周普也駁者雜而不純
質實一統志云申伯河
固不可偏而亦不可駁也南人周宣王母舅

封申築城于謝仲山甫嘗作詩送之詳見詩
大雅篇白虎殿在西安府城中漢未央宮內

書法

綱目書三月雪四月未有書四月雪者四月而
雪甚大異也外戚之陰盛而乾陽不能勝矣

白虎之對惜無能指及王鳳者則是召也亦具文
而已終綱目書四月雪二皆帝世也是年陽朔四
年

秋桃李實

卷六

御史中丞薛宣上疏曰陛下至德仁厚而嘉氣尚凝陰陽不和殆吏多苛政部刺史或不循守條職舉錯各以其意多與郡縣事至開私門聽讒佞以求吏民過失譴呵及細微責義不量力郡縣相迫促外內相刻流至衆庶是故鄉黨闕於嘉賓之歡九族忘其親親之恩飲食周急之厚彌衰送往勞來之禮不行夫人道不通則陰陽否隔和氣不興未必不由此也方刺史奏事時宜明申飭使昭然知本朝之要務上嘉納之**集覽**部刺史武帝置掌奉詔條察州不循守條職之部刺史所察本以六條問事非條所問即不省也六條注見獻帝建安二十五年譴呵及細微譴謫問也可與訶同大言而怒也雖細微事亦譴呵之申飭本傳飭作**質實**一統志云薛宣東海郯人

敕注敕約也

書法

桃李華嘗三書矣惠帝五年呂氏甲寅年文帝六年未有書秋桃李實者秋華異也秋華

而實大異也終綱目
書桃李秋實一而已

河決

先是清河都尉馮遂奏言郡承河上流土壤輕脆易傷頃所以濶無大害者以屯氏河通兩川分流也今屯氏河塞靈鳴犢口又益不利獨一川兼受數河之任雖高增隄防終不能泄如有霖雨旬日不霽必盈溢九河今既難明屯氏河絕未久其處易浚又其口所居高於分殺水力道里便宜可復浚以助大河泄暴水備非常不豫脩治北決病四五郡南決病十餘郡然後憂之晚矣事下丞相御史以為方用度不足可且勿浚至是大雨水十餘日河果大決東郡金隄凡灌四郡三十二縣水居地十五萬餘頃深者三丈

壞敗官亭室集覽

頃所以頃臯也曩也九河今既難明禹所道九河今難辨明也書禹

廬且四萬所集覽明禹所道九河今難辨明也書禹貢九河蔡氏傳曰爾雅一徒駭二太史三馬頰四覆鬴五胡蘇六簡潔七鉤盤八鬲津其一則河之經流也先儒不知河之經流遂分簡潔為二自漢以來講求九河者甚詳然或新河而載以舊名或一地而互為兩說要之皆似是而非無所依據惟程氏以為九河之地已淪於海引碣石為九河之證謂今滄州之河北與平州接壤相去五百餘里禹之九河當在其地後為海水淪沒故其迹不存上文言夾右碣石則九河入海處有碣石在其西北岸九河水道變遷難於推考而平州正南有山名碣石者尚在海中去岸五百餘里卓立可見則是古河自今已為海處向北斜行始分為九其河道已淪入於海明矣酈道元亦謂九河碣石苞淪於海後世儒者知求九河於平地而不知求碣石有無以為之證故前後異說竟無歸

宿於分殺水力為句殺所界反衰小之也言於此處
多穿渠則水勢分而力薄金隄括地志云金隄一名
十里隄在東郡**質實**清河郡名注見帝立更始二年
白馬縣東五里也氏河注見元帝永康五年靈
鳴犢口注同上年九河已見爾雅今按舊志徒駭河
在滄州廢清池縣西北二十里太史河在南皮縣治
北馬頰河在東光縣界胡蘇河在慶雲縣西南簡潔
河在南皮縣城外十餘步鈞盤河在獻縣東南二百
八十里禹津河在慶雲縣又在樂陵縣西三十里考
書傳九河所在與此多不合又先儒程氏以為九河
之地已淪於海酈道元亦謂九河碣石苞淪於海此
蓋後世新河而傳以舊名耳今亦湮塞姑存於此已
上說見河間府志東郡注見光武
建武八年金隄注見文帝十二年

以王尊為京兆尹

南山郡盜數百人為吏民害詔逐捕歲餘不能禽或說大將軍鳳選賢京兆尹於是鳳薦尊為京輔都尉行尹事旬日間盜質實一統志云王尊涿郡高陽賊清拜京兆尹人南山注見文帝三年

大將軍鳳奏以陳湯為從事中郎

上即位之初丞相匡衡復奏陳湯奉使顯命盜所收康居財物湯坐免後以言事不實下獄當死谷永上疏訟湯曰戰克之將國之爪牙不可不重故君子聞鼓輦之聲則思將帥之臣湯前斬郅支威震百蠻武暢四海今坐言事非是幽囚久繫執憲之吏欲致之大辟周書曰記人之功忘人之過宜為君者也夫犬馬有勞於人尚加帷蓋之報況國之功臣者哉竊恐陛下忽於鼓輦之聲不察周書之意而忘帷蓋之施庸臣遇湯卒從吏議非所以厲死難之臣也書奏詔出湯奪爵為士伍會西域都護段會宗為烏孫所圍

驛騎上書願發城郭燉煌兵以自救大將軍鳳言湯
多籌策習外國事可問上召湯見宣室湯擊邳支時
中寒病兩臂不屈伸有詔毋拜示以會宗奏湯對曰
臣以為此必無可憂也上曰何以言之湯曰夫胡兵
五而當漢兵一何者兵刃朴鈍弓弩不利今聞頗得
漢巧然猶三而當一又兵法曰客倍而主人半然後
敵今圍會宗者人衆不足以勝會宗唯陛下勿憂且
兵輕行五十里重行三十里今發城郭燉煌歷時乃
至所謂報讐之兵非救急之用也上曰度何時解湯
知烏孫瓦合不能久攻故事不過數日因對曰已解
矣屈指計其日曰不出五日當有吉語聞居四日軍
書到言已解大將軍鳳奏以為從事中郎莫府事壹
決於湯

集覽

惟蓋之報記檀弓仲尼之畜狗死使子貢
埋之曰吾聞之也敝帷不棄為埋馬也敝

蓋不棄為埋狗也士伍注見周赧王質實一統志云
五十八年歷時歷經歷也一時三月質實段會宗天

水人卸

書法

拜官不書所自此其書大將軍鳳奏何病漢也湯之功過不相掩明矣石顯惡之則止於

賜爵劾之則以之坐免大將軍鳳奏則又以為從事中郎湯之功過不足論而漢廷之予奪一出於權臣為可譏矣故特筆書之自是書免為庶人徙燉煌則以鳳死而商惡之也書詔還陳湯長安則以王氏決勢而耿育言之也一陳湯也綱目屢書之病漢而已矣

癸巳
河平元年春以王延世為河隄使者塞河決

杜欽薦王延世為河隄使者延世以竹落長四丈大九圍盛以小石兩船夾載而下之三十一日隄成賜延世爵集覽竹落落與絡通以竹關內侯集覽箋為外蕃而籠絡之

書法

塞河不書其人書延世何善其職也故特書嘉之綱目書塞河八書其人者延世而已詳

文帝十

二年

夏四月晦日食詔百官陳過失

時許皇后專寵後宮希得進見中外皆憂上無繼嗣故劉向杜欽谷永皆以為言上於是減省椒房掖庭用度皆如竟寧以前故事皇后上疏自陳以為時世異制長短相補不出漢制而已纖微之間未必可同也今家吏不曉壹受詔如此且使妾搖手不得唯陛下察焉上於是采谷永等言報之且曰吏拘於法亦安足過蓋矯枉者過直古今同之且財幣之省其於皇后所以扶助德美為華寵也傳不云乎以約失之者鮮孝文皇帝朕之師也皇太后皇后成法也皇集后其刻心秉德謙約為右垂則列妾使有法焉

覽

家吏主倉穀飲食壹受詔如此為句壹猶言初言家吏初受詔便如此減省搖手不得言法度易觸

犯使我不敢輕動

正誤

壹受詔如此今按壹與大壹是同義猶一切也

秋復太上皇寢廟園

給事中平當言太上皇漢之始祖廢其寢廟園非是上亦以無繼嗣遂納當言

減死刑省律令

詔曰今大辟之刑千有餘條律令煩多百有餘萬言奇請他比日以益滋自明習者不知所由欲以曉諭衆庶不亦難乎其議減死刑及可蠲除約省者令較然易知條奏時有司不能廣宣上意徒鉤摭微細毛舉數事以集覽奇請他比奇居宜反比毗至反例也塞詔而已奇請謂於常文之外主者別有所請

以定罪也他比言引他類以比附之稍增律條也鉤
撫鉤致也撫收拾也毛舉數事類師古曰舉行毫毛
之事言其微細
之甚也見漢書

甲午
二年春正月匈奴遣使朝獻

匈奴遣右裒林王伊邪莫演奉獻罷歸自言欲降即
不受我我自殺終不敢還使者以聞下公卿議議者
或言宜如故事受其降谷永杜欽以為漢興匈奴數
為邊害故設金爵之賞以待降者今單于稱臣朝賀
無有二心接之宜異於往時今既享其聘貢之職而
更受其逋逃之臣是貪一夫之得而失一國之心擁
有罪之臣而絕慕義之君也假令單于初立欲委身
中國未知利害使之詐降以卜吉凶受之虧德沮善
令單于自疏不親邊吏或者設為反間欲因而生隙
受之適合其策使得歸曲而責直此誠邊境安危之

原師旅動靜之首不可不詳也。不如勿受以昭日月之信。抑詐諛之謀。懷附親之心。便上從之。遣問降狀。伊邪莫演曰：我病狂妄言耳。遣去。集覽：詐諛，諛也。遠歸到官位如故，不肯會見漢使。反亦詐也。

沛郡鐵官冶鐵飛質實

沛郡注見秦始皇二十八年彭城

書法

鐵飛何金失性也。故通鑑不書。綱目持書之終綱目一書而已。

○夏楚國雨雹質實

楚國注見景帝三年

大如
芥

徙山陽王康為定陶王集覽

山陽地理志河內山陽縣又昌邑王被廢國除為山

陽郡括地志云山陽在曹州成武縣東北。質實

一統志云山陽

自古外戚之禍
莫甚於漢由王
氏相繼秉政根
深蒂固加以莽
賊承襲諸父之
勢包藏禍心卒
成篡竊非一朝
一夕之故也履
霜堅冰成哀之
世味斯義矣

漢之郡名治東歸縣後改為國曹魏廢之故城在
兖州府金鄉縣界內定陶國名注見秦二世二年
封諸舅為列侯 ○ 悉

王譚為平阿侯商為成都侯立為紅陽侯根為曲陽侯
陽侯逢時為高平侯五人同日封故世謂之五侯
實 年平阿縣名未詳沿革成都縣名注見帝立更始二
屬九江郡漢初仍舊後廢之故城在鳳陽府定遠縣
西北九十五里高平縣名注見光武建武六年平涼
府

書法

前序五侯建始元年病漢也此則何以不序
貶於其事端則餘者畧之可也書悉封諸舅

而封爵之濫甚矣高帝之興也書悉封諸功臣為
列侯今也書悉封諸舅為列侯漢之衰可知也已

免京兆尹王尊官復以為徐州刺史

御史大夫張忠奏京兆尹王尊罪尊坐免官吏民多稱惜之湖三公乘興等上書訟尊治京兆盡節勞心夙夜思職撥劇整亂誅暴禁邪皆前所稀有今御史奏尊傷害陰陽為國家憂靖言庸違象龔滔天原其所以出御史丞楊輔素與尊有私怨外依公事傳致奏文臣等竊病傷尊脩身潔已砥節首公刺譏不憚將相誅惡不避豪彊功著職脩威信不廢昨以京師廢亂選用為卿賊亂既除即以佞巧廢黜一尊之身三期之間乍賢乍佞豈不甚哉願下公卿大夫博士議郎定尊素行審如御史章尊乃當伏觀闕之誅放於無人之域不得苟免及任舉尊者當獲選舉之辜不可但已即不如章飾文深詆以愬無罪亦宜有誅以懲讒賊之口絕欺詐之集覽湖三老公乘興湖路於是復以尊為徐州刺史

名興湖注見武帝征和二年三老注見漢王劉邦二年公乘本秦官言其得乘公家之車靖言庸違象龔滔天堯典靖本作靜龔本作恭孔氏傳曰靜謀滔漫也言共工自為謀言起用行事而違背之貌象恭敬而心傲狠若漫天言不可用傳致奏文傳讀曰附謂增益其事而引致於罪狀砥節首公砥礪也首始究反向也御史章御史大夫張忠之奏章觀闕之誅孔子攝魯司寇七日誅少正卯於兩觀之下案王有五門中門為雉門設兩觀何休曰天子外闕兩觀諸侯內闕一觀飾文深詆矯飾文法而深刻詆誣

實

徐州注見秦始皇二十八年彭城

書法

自置刺史至是八十年纔三書黃霸張敞王尊皆以罪復用者也而以京兆尹為之者二

張敞王尊終西漢書刺史三

西夷相攻以陳立為牂牁太守討平之考異

此用兵戈當書擊不

當書討與元鼎

六年討西羌同

夜郎王興鉤町王禹漏卧侯俞更舉兵相攻議者以
為道遠不可擊乃遣太中大夫張匡持節和解興等
不從命杜欽說大將軍鳳曰蠻夷輕易漢使不憚國
威恐議者選更復守和解則復曠一時使彼得收獵
其衆以相殄滅自知罪成狂犯守尉遠滅溫暑毒草
之地雖有孫吳將責育士若入水火往必焦沒智勇
亡所施宜因其罪惡未成未疑漢家加誅陰敕旁郡
守尉練士馬大司農豫調穀積要害處選任職太守
往以秋涼時入誅其王侯尤不執者即以為不毛之
地無用之民不以勞中國宜罷郡放棄其民絕其王
侯勿復通如以先帝所立累世之功不可墮壞亦宜
因其萌芽早斷絕之及已成形然後戰師則萬姓被

害鳳於是薦陳立為牂牁太守立至諭告興興又不
從立乃從吏數十人出行縣至興國召興至立數責
因斷頭出曉士衆以興頭示之皆釋兵降

集覽

夜郎王興

禹俞震恐入粟牛羊勞吏士西夷遂平

興夜郎王名也夜郎注見武帝元光五年鉤町王禹

禹鉤町王名也鉤通作句並音劬町音廷顏師古白

鉤町西南夷種後置縣屬牂牁漏卧侯俞漏卧侯

名也漏卧本西夷國名後置縣屬牂牁選與前書音

義曰選與柔怯也與與蠕通律書選蠕觀望索隱曰

選蠕動身欲有進取之狀守尉十三州記云大郡曰

守小郡曰尉遠臧讀曰藏孫吳將孫武子齊人吳王

闔廬以為將吳起衛人先為魯將後去魯歸衛衛文

侯以為將賁育士注見武帝建元六年選任職任平

聲堪也選太守之堪任此職者不毛之地莊子窮髮

之地注地以草木為毛髮北方寒極草木不生故曰

窮髮所謂不毛之地也左傳食土之毛注土地所生

之物曰毛數責數上聲計質實一統志云孫吳將孫也計其罪而一一責讓之武齊人以兵法見吳

王闔廬用為將西破強楚北威齊魯顯名諸侯所著兵書十三篇行於世吳起注見秦昭王五十二年陳

立蜀郡臨邛人牂牁郡名注見武帝元光四年

乙未三年春正月楚王囂來朝

楚孝王囂宣帝子上叔父也詔以其素行純茂特加顯異封其子勲為廣戚侯集覽囂五高反質

實一統志云廣戚漢之縣名屬沛郡晉宋仍舊元魏省之故城在徐州城西北一百八十里沛縣

二月捷為地震山崩壅江水逆流質實建武為郡名注見光武建武十二

年○秋八月晦日食○求遺書

上以中秘書頗散亡使謁者陳農求遺書於天下詔
光祿大夫劉向校之向以王氏權位太盛而上方嚮
詩書古文乃因尚書洪範集合上古以至秦漢符瑞
災異之記推迹行事連傳禍福著其占驗比類相從
各有條目凡十一篇號曰洪範五行傳論奏之天子
心知向忠精故為鳳兄弟起此論也然終不能奪王
氏權

集覽

洪範五行傳論傳株戀
反解說洪範正經者

書法

書求遺書何美也終綱目書求遺書四是年
齊乙亥年元魏陳癸卯年隋唐開元五年

河復決復命王延世塞之

河復決平原流入濟南千乘所壞敗者
半建始時復遣王延世作治六月乃成

丙申四年春正月匈奴單于來朝

丞相王商多質有威重容貌絕人單于來朝拜謁商仰視大畏之遷延却退上聞而嘆曰真漢相矣

覽

多質言為
人少文飾

三月朔日食○夏四月詔收丞相樂昌侯商印綬商以

憂卒考異

提要商上
有王字

琅邪太守楊彤與王鳳連昏其郡有災害商按問之鳳以為請商不聽竟奏免彤奏寢不下鳳以是怨商陰求其短使人告商淫亂事天子以為暗昧之過不足以為傷大臣鳳固爭下其事司隸太中大夫張匡素佞巧復上書極言詆商有司奏請召詣詔獄上素重商知匡言多險制曰勿治鳳固爭之詔收商丞相印綬商免相三日發病歐血薨謚戾侯子弟親屬皆出補吏莫得留給事宿衛者有司奏請除國邑詔子安

嗣質實

一統志云樂昌漢之縣名屬東郡後漢省之故城在大名府城東南四十二里南樂縣境

內琅邪郡名注見新莽天鳳四年

書法

凡書收印綬皆無罪者也據董賢竇憲侯覽收印綬不書

發明

凡物無兩大之理權貴無並立之勢當是之時王鳳專權固寵商雖素著忠直然亦外戚

疏屬鳳側目已久况又忤其意乎書詔收商印綬商以憂卒則天子不得已之意隱然見於書法之間而商死不以罪曉然可知夫進退大臣人主猶不得自專則成帝至是亦具位焉耳寧不愧哉

以張禹為丞相

上為太子受論語於禹及即位賜爵關內侯拜光祿大夫給事中與王鳳並領尚書禹內不自安數病上書

欲退避鳳上不許撫
待愈厚遂以為相

質實

一統志云張禹衰國人

罽賓遣使來獻

初武帝通西域罽賓自以絕遠漢兵不能至獨不服
數剽殺漢使遣使來謝孝元以絕域不錄絕而不通
及帝即位復遣使獻謝罪漢欲遣使者報送其使杜
欽說王鳳曰中國所以為通厚蠻夷恩快其求者為
壤比而為寇也今縣度之阨非罽賓所能越也其鄉
慕不足以安西域雖不附不能危城郭前親逆節惡
暴西域故絕而不通今悔過來而無親屬貴人奏獻
者皆行賈賤人欲通貨市買以獻為名故煩使者送
至縣度恐失實見欺起皮山南更不屬漢之國四五
時為所侵盜又歷大小頭痛之山赤土身熱之阪令
人身熱無色頭痛嘔吐又有三池磐石阪道陜者尺
六七寸長者徑三十里臨崢嶸不測之深行者騎步

相持繩索相引二十餘里乃到縣度險阻危害不可
勝言聖主分九州制五服務盛內不求外今遣使者
承至尊之命送蠻夷之賈勞吏士涉危難罷敝所恃
以事無用非久長計也使者業已受節可至皮山而
還於是鳳白從欽言屬賓實利集覽屬賓西域國治
賞賜賈市其使數年而一至云循鮮城屬居例
反為壤比為去聲比毗至反為其境壤相連比也縣度
之阮縣音玄顏師古曰烏托國西有縣度國去陽關
五千八百八十里縣度者谿谷不通縣繩相引乃可
度酉陽雜俎曰其土人壘石為室接手而飲互相牽
引所謂猿引也崢嶸深峻貌字與崢嶸通上七耕反
下乎崩反業已受節業事也已然曰業謂既已受節
而使而送

山陽火生石中質實

山陽國名注
見河平二年

詔改明年
元曰陽朔

之
丁酉陽朔元年春二月晦日食○冬下京兆尹王章獄殺

時大將軍鳳用事上謙讓無所顯左右嘗薦劉向少
子歆呂見說之欲以為中常侍召取衣冠臨當拜左
右皆曰未曉大將軍上曰此小事何須闕大將軍左
右叩頭爭之上於是語鳳鳳以為不可乃止王氏子
弟分據執官滿朝廷杜欽見鳳專政太重戒之曰願
將軍由周公之謙懼損穰侯之威放武安之欲毋使
范雎之徒得間其說鳳不聽時上無繼嗣體常不平
定陶共王來朝太后與上承先帝意遇共王甚厚不
以往事為纖介留之京師上謂共王我未有子人命
不諱一朝有他且不復相見爾長留待我矣後疾有

瘳共王因留國邸上甚親重之鳳心不便會日食因
言日食陰盛之象定陶王當奉藩在國今留待京師
詭正非常故天見戒宜遣之國上不得已於鳳而許
之王辭去上與涕泣而決王章素剛直敢言雖為鳳
所舉非鳳專權不親附鳳乃奏封事言日食之咎皆
鳳專權蔽主之過召見延問對曰天道聰明佑善而
災惡以瑞異為符效陛下以未有繼嗣引近定陶王
所以承宗廟重社稷上順天心下安百姓此正議善
事當有祥瑞何故致異災異災之發為大臣顓政者
也今聞大將軍猥歸日食之咎於定陶王建遣之國
苟欲使天子孤立於上顓擅朝事以便其私非忠臣
也且日食陰侵陽臣顓君之咎今政事大小皆自鳳
出天子曾不壹舉手鳳不內省責反歸咎善人推遠
定陶王且鳳誣罔不忠非一事也前丞相商內行薦
有威重位歷將相國家柱石臣也守正不隨為鳳所
罷身以憂死衆庶愍之又鳳知其小婦弟張美人已

嘗適人於禮不宜配御至尊託以為宜子內之後宮
苟以私其妻弟且天子將以禮義開天下之風化何
貪色而近已出之女也此三者皆大事陛下所自見
足以知其餘及他所不見者鳳不可令久典事宜退
使就第選忠賢以代之自鳳之白罷商後遣定陶王
也上不能平及聞章言感寤納之謂章曰微京兆尹直
言吾不聞社稷計且唯賢知賢君試為朕求可以自
輔者於是章薦琅邪太守馮野王忠信質直智謀有
餘上自為太子時數聞野王名方倚欲以代鳳章每
召見上輒辟左右時鳳從弟子音侍中獨側聽聞章
言以語鳳鳳甚憂懼杜欽令鳳稱病出就第上疏乞
骸骨辭旨甚哀太后聞之垂涕不食上少時親倚鳳
弗忍廢乃優詔報鳳強起之於是鳳起視事上使尚
書劾章知野王前以王舅出補吏而私薦之阿附諸
侯又知張美人體御至尊而妄稱引貪色近已出女
非所宜言下章吏廷尉致其大逆罪章竟死獄中妻

子從合浦自是公卿見鳳側目而視野王懼不自安
遂病滿三月賜告歸杜陵就醫藥鳳風御史劾奏野
王賜告養病而私自便持虎符出界歸家奉詔不敬
杜欽曰二千石病賜告得歸有故事不得去郡亡著
令傳曰賞疑從予所以廣恩勸功也罰疑從去所以
慎刑闕難知也今釋令與故事而假不敬之法甚違
闕疑從去之意即以二千石守千里之地任兵馬之
重不宜去郡將以制刑為後法者則野王之罪在未
制令前刑賞大信不可不慎鳳不聽竟免野王官時
衆庶多冤王章譏朝廷者欽欲救其過復說鳳舉直
言極諫並見郎從官展盡其意加於往前以明示四
方使天下咸知主上聖明不以言罪下也鳳行其策

集覽

未曉大將軍曉諭也言未曾令王鳳之知由周

讒之聽然管叔蔡叔流言而周公自知謙退恐懼損
穰侯之威損減也秦昭王母宣太后之弟魏冉封穰

侯昭王以穰侯專權乃令出闕就封邑放武安之欲
放棄也孝景帝王皇后母弟田蚡武帝封為武安侯
權移人主多受賂遺嘗請考工地益宅上怒曰君何
不遂取武庫是後乃稍謙退定陶共王元帝子名康
定陶其封邑也謚曰共恭纖介纖細介間也謂
不以細事間介于懷一朝有他猶言恐一旦崩亡建
遣建白於上而遣之推遠推通回反排斥之也遠去
聲疏遠之也盪腸盪猶言洗滌賜告注見武帝建元
六年亡著令亡讀曰無著陟慮反書之也明書在條
令也亡著令謂舊無此條慎刑闕難知有罪可疑而
難知者闕**正誤**未曉大將軍今按之知當作**質實**
而從輕**正誤**知之言未曾曉諭王鳳知之統

志云王章泰山鉅平人馮野王杜陵人奉
世之子合浦縣名注見武帝元鼎六年

以薛宣為左馮翊

宣為郡所至有聲迹宣子惠為彭城令宣嘗過其縣
心知惠不能不問以吏事或問宣何不教戒惠以吏
職宣笑曰吏道以法令為師可問而知及能與不能
自有資材何可學也宣為馮翊屬令有楊湛謝游皆
貪猾不遜宣察湛有改過之效乃密書曉之游自以
大儒輕宣乃獨移書顯責之二人得檄皆解印綬去
又頻陽多盜令薛恭本孝者職不辦粟邑僻小易治
令尹賞久用事吏宣即奏二人換縣數月兩縣皆治
宣得吏民罪名即告其縣長吏使自行罰曰不欲代
縣治奪賢令長名也宣賞罰明用法平而必行所居
皆有條教可紀性密靜有思下至財
集覽 屬令馮翊
用筆研皆為設方畧利用而省費郡屬縣之
令謂高陵令楊湛櫟陽令謝游頻陽注見秦王政二
十一年令薛恭本孝者薛恭頻陽縣令也扶陽郡平
陵縣人本縣孝者粟邑僻小邑名曰粟僻在山中而
小令尹賞尹賞粟邑之令也換縣條有材不稱職得

改之令長皆秦官掌治其縣萬戶以上為令減萬戶為長有思思先寺反道德純備謂之思筆研研與硯同筆研謂質實一統志云薛宣東海郟人彭城縣名注見秦始皇二十八年栗邑古地名

春秋時名彭衙秦置白水縣以南臨白水故名漢為栗邑縣屬左馮翊後又為衙縣地晉省衙縣後魏廢同州唐省入奉先縣宋復置屬同州金元俱仍舊國朝因之屬西安府

戊戌二年夏四月以王音為御史大夫考異按封拜例曰凡以親戚貴

重者書其屬據永始元年書封太后弟子莽為新都侯此當書以太后從弟音為御史大夫蓋誤漏也

於是王氏愈盛郡國守相刺史皆出其門五侯羣弟爭為奢侈賂遺珍寶四面而至皆通敏入事好士養

賢傾財施予以相高尚賓客競為之聲譽劉向謂陳
湯曰今災異如此而外家日盛其漸必危劉氏吾幸
得以同姓末屬累世蒙漢厚恩身為宗室遺老歷事
三主上以我先帝舊臣每進見常加優禮吾而不言
孰當言者遂上封事極諫曰臣聞人君莫不欲安然
而常危莫不欲存然而常亡失御臣之術也夫大臣
操權柄持國政未有不為害者也今王氏一姓乘朱
輪華轂者二十人大將軍秉事用權五侯驕奢僭
盛並作威福擊斷自恣行汙而寄治身私而託公依
東宮之尊假甥舅之親以為威重尚書九卿州牧郡
守皆出其門莞執樞機朋黨比周稱譽者登進忤恨
者誅傷游談者助之說執政者為之言排擯宗室孤
弱公族其有智能者尤非毀而不進不令得給事朝
省恐其與已分權數稱燕王蓋主以疑上心避諱呂
霍而弗肯稱內有管蔡之萌外假周公之論兄弟據
重宗族磐互外戚僭貴未有如王氏者也物盛必有

非常之變先見為其人微象王氏先祖墳墓在濟南者其梓樹生枝葉扶疎上出屋根函地中事執不兩大王氏與劉氏亦且不並立如下有泰山之安則上有累卵之危陛下為人子孫守持宗廟而令國祚移於外親降為皂隸縱不為身奈宗廟何婦人內夫家而外父母家此亦非皇太后之福也宜發明詔授近宗室黜遠外戚王氏永存保其爵祿劉氏長安不失社稷所以褒睦外內之姓子子孫孫無疆之計也如不行此策田氏復見於今六卿必起於漢為後嗣憂昭昭甚明唯陛下深留聖思書奏天子召見向歎息悲傷其意曰君且休矣吾

集覽

五侯王譚王商王立王根王逢時皆成帝

諸舅也擊斷自恣史記涇陽擊斷無諱裴駘曰謂攻擊決斷不諱避也國策鮑彪注擊斷謂刑人也依東宮依上聲恃也兗執樞機兗讀與管同專之也顏師古曰樞機近要之官也正義曰機密之司也韋彪傳

曰天下樞要在於尚書又郎顗傳曰尚書職在機衡
燕王蓋主昭帝元鳳元年燕王與蓋主謀反呂霍惠
帝高后時呂台呂產呂祿之輩昭宣時霍光霍山霍
禹之屬皆女后之戚專擅朝政管蔡注見三國漢後
主建興九年據重據專也重謂威重先見為其人微
象見形旬反為去聲言先前災異之見蓋為其人而
微示其象根西西則治反刺入也援近援音袁援引
之使得親近也田氏注見秦始皇三十四年田常六
卿注**正誤**按物盛必有非常之變先見為其人微象今
同上按先見屬上文為句為如字言凡物之盛
必有非常之變預先著
見以為其人之微象也

秋關東大水○定陶王康卒

諡曰恭

徙信都王興為中山王質實

信都國名注見秦二世二年中山國名注見周威烈

王二十

三年

己亥三年春三月隕石東郡八○夏六月潁川鐵官徒作

亂討平之質實

潁川郡名注見靈帝中平元年

潁川鐵官徒申屠聖等百八十人殺長吏盜庫兵自稱將軍經歷九郡遣丞相長史御史中丞逐捕以軍

興從事

皆伏辜

秋八月大司馬大將軍鳳卒九月以王音為大司馬車

騎將軍詔王譚位特進領城門兵

鳳病疾上臨問之執手涕泣曰將軍病如有不可言
平阿侯譚次將軍矣鳳頓首泣曰譚等雖至親行皆
奢僭不如御史大夫音謹敕臣敢以死保之初譚倨
不肯事鳳而音敬鳳卑恭如子故鳳薦之鳳薨上以
音代鳳而詔譚領城門

集覽

謹敕句絕謹潔也
兵由是譚音相與不平

書法

自武帝增重加官綱目卒大司馬未有不書
姓者鳳於是具官矣不書姓何黜之也王氏

日盛劉氏將移君子所不忍書也自是卒音商
根皆不書姓必若譚之無權而後可以書矣

庚子
四年夏四月雨雪

書法

四月雪帝世嘗一書矣建始四年於是再書
大異也其為異奈何鳳死音繼外戚之陰盛

也終綱目書

四月雪二

○以王駿為京兆尹

先是京兆有趙廣漢張敞王尊王章王駿皆
有能名故京師稱曰前有趙張後有三王
志云王駿琅琊
舉虞人吉之子
質實一統

御批資治通鑑綱目卷六

謹案第一頁後七行故虎嘯而風烈按漢書文選
烈俱作冽

第七頁前二行吾謂耿中丞糴三百萬斛穀按趙
充國傳三作二

第二十一頁前四行雜問郡國上計長史守丞按
漢書循吏傳史作吏下並同

第三十一頁後八行皇太子所幸司馬良娣刊本
娣訛娣據元后傳改

金史四庫全書
第四十三頁前二行又怨漢擁護呼韓邪刊本怨訛恐據漢匈奴傳改

第四十三頁後四行後晉國樂師師涓過焉按水經注作衛靈公聞新聲召師涓受之與此異

第五十四頁後五行源發登州府棲霞縣治南按分注與大河等語出溝洫志所謂大河即導河積石之河也此誤

第五十四頁後八行漢武帝時河決靈鳴犢口按

漢武帝時無河決靈鳴犢口事此誤

第五十九頁後一行郁郅人刊本郅訛郡據甘延壽傳改


第六十四頁後二行周文王子按史記燕召公奭與周同姓譙周曰周之支族也

第九十一頁前七行扶陽郡平陵縣人按漢無扶陽郡地理志平陵屬右扶風此誤

第九十二頁前四行二十二入按劉向傳作二十

三人





總校官庶吉士臣張能照
校對官檢討臣王鍾健
謄錄貢生臣李敬敏